

金山歌集

第二集

金

山

歌

集

序

本書林前搜集新歌。刊印成帙。名曰金山歌集。自出版後。購者接踵。洛陽紙價。頗貴一時。今告罄矣。而定購者仍絡繹不絕。本主人忖合社會美意。而又見吟壇傑構之不容墜地也。於是復搜集各社徵歌。印成金山歌二集。歌詞選列。蜚聲文苑奇材。印刷精良。特標文壇韻事。幾十場之佳作。一夕致羅。數百人之構思。同堂共話。此正可爲交換識見。豈僅藉爲茶前酒後消遣談資而已也。夫讀史記漢書。皆奄奄欲睡。讀西廂水滸。每奕奕有神。清歌之爽快淋漓。較諸西廂水滸尤爲妙。聲聲合拍。操以土音。字字諧腔。裂爲水調。雅俗俱宜。



3 0535 2036 1

雖戲謔不嫌近虐。莊諧盡致。而議論却自生風。情詞宛轉。屈生香草之吟。意義抑揚。商女後庭之感。東方朔滑稽之談。可滙文海。李太白粲花之論。正採書囊。倘使臥箋耽吟。想到花魂雨夢。何妨開卷沉玩。饒生心暢神怡。總之碎錦零章。足供雅人諷誦之資。連篇累幅。堪助騷客推敲之興。

民國十四年 歲次乙丑春季

雲高華啓新書林謹識

歌題目錄

壹 自由女

貳 守財虜

參 啞女嫁聾夫

肆 賢妻諫賭

伍 人怕老來窮

陸 運不通時到處難

柒 時開運轉

捌 天涯遊子想衣添

玖 不妨遊玩解愁腸

拾 妓婦改裝自由女

十一 笑口傳情惹膽肝

十二 女界自由妨亂節

十三 老舉貪靚仔

十三 人不風流枉少年

十四 勸妓從良

十四 女太自由婦壓夫

十五 密約私情

十五 惡婦難治

十六 少婦感別

十六 重才不重貌

856.189
130
12

三 誤人閨女當爲閒

三 遠客思家

三 光復山河成一統

三 捱得困窮有日好

三 改邪歸正

三 煙屎鬼

三 賣瘋女

三 少婦思遠客

三 清明無客不思家

三 養子方知父母恩

三 人老何曾轉少年

三 覽鏡慚白髮

三 指日旋東

自由女歌

黃商瑚先生評定

恁班爛屎。概不入教化。門前賣俏演金牙。朝夕時常睇影畫。也講番話。專與男人去遊耍。荒唐羞辱我中華。


扮靚遊街巷。娉婷的有富。半成華派半西裝。鬢尾鬆鬆絹艷綁。演在行。坤義全不講。綉閣世風今異往。任隨己意選檀郎。

嬌鶯行踽踽。想結鴛鴦對。蝶媒不用奈何如。隨意選郎聯鳳侶。賦關雎。例效蠻族類。維鵠有巢憑口許。從心所欲擇鳩居。

道德嫌拘泥。嬌娃縱莫制。雌飛直欲與雄齊。守貞翻嗤循古禮。兩心契。便許婚爲婿。謬託文明遵西例。燒猪吃否不須提。

恁班阿嬌娃。唔遵親管他。縱橫無忌鬧繁華。艷服鮮衣出街耍。任從他。何恤人笑罵。男子隨行誰敢話。私情密約洞房花。

妹汝也裝扮。不唐又不番。時時蕩粉飾嬌顏。性習放肆無忌憚。班算班。朝遊暮未返。夫婿英才任己揀。壞名喪節也當閒。



歐風兼美雨。漸向中原至。阿嬌及笄正當時。縱有爹娘難管理。餘可知。選郎
隨獨己。不用媒婆舌劍利。何拘六禮並三書。

隨意擇佳婿。不比受專制。祇憑歸妹合心懷。婚後拆離原有例。效泰西。父母
難勸解。寄語同人鑒此弊。傍觀慎勿爲情迷。

恁班紅粉女。裝整咁時趣。纖腰革履步輕隨。手挽俊男爲伴侶。禮唔拘。文明
常自詡。不受爹娘拘束佢。任其擇配幾歡娛。

主權恃在己。倚勢兼作威。嚴親難束佢行爲。出入放肆無所忌。未于歸。私胎
懷肚裡。只因不遵娘管理。未曾許字產孩兒。

睇吓妖脂妹。紅唇半露開。時欵衣裳異樣裁。任意縱橫遊街外。訪靚仔。遂己
心爲配。假託文明專制改。朱陳結合不需媒。

佳人生在美。便作小蠻姬。倚爲西例效花旗。不受爹娘嚴管理。立志氣。選婿
從自己。愛個相行情與義。約同交合訂婚期。

任意聯鳳侶。爹媽奈何如。務求靚仔樂唱隨。不用媒婆傳假語。詠關雎。只憑
親口許。在己選郎無怨懟。富貴唔論亦歡娛。

阿嬌年待字。假話信耶穌。情牽靚仔好頭顱。携手同行相愛慕。效蠻姑。隨意做夫婦。縱有爹娘由佢怒。專制唔受搵登徒。

同羣諸姊妹。婚姻已擇配。訂期相約苟爲媒。四德三從今盡改。任我愛。何妨雲雨會。雖未于歸先曖昧。洞房奚用遞雙杯。

阿嬌去選婿。風氣效泰西。一見靚仔向前嚟。携手同行訂仇儼。唔受制。隨意經眼睇。不拘三書和六禮。只憑密約做夫妻。

敬告衆姊妹。何必心先灰。從今巾幗起高才。男婦平權無更改。得意哉。身處專制外。夫婿智愚隨我採。縱然爹媽阻唔來。

靚仔合渠眼。挽誓不愛銀。果然邂逅到花間。恰似鴛鴦難拆散。早共晚。朝去至暮返。無煩月老傳紅柬。私來賣俏結金蘭。

變法這時代。任從嬌擇配。不憑父母不憑媒。獨把心中爲主宰。揀一個。賢郎盟誓海。亂作鴛鴦貽後悔。奚如親選好人才。

婦界變新例。紅粉效泰西。無媒苟合訂眉齊。到處遊行更陋弊。廢專制。不守閨門禮。密約私情親擇婿。瓜期先破結夫妻。

現講平權例。爹娘曷壓制。無違教誨休撕提。苟合婚姻唔拘禮。放眼界。任從
儂擇婿。男子同行奚執泥。戲游携手學泰西。
取法泰西例。隨我結夫妻。革隨古禮實歡懷。免使媒婆來舞弊。新世界。文明
諸伉儷。在己如意迷佳婿。同心同德樂眉齊。
敬告同姊妹。文明今日開。婚姻不用大話媒。在己選郎無後悔。兩相愛。濃情
深似海。隨我如意求靚仔。免勞父母費心裁。
弗違婚義禮。操縱效蠻姬。只憑密約訂佳期。雖有爹娘難作主。真見戲。荒唐
無所忌。到底不顧廉與恥。任他選婿訂齊眉。
歐美風俗醜。婦權難以收。獨行千里任遨遊。四德三從無所有。唔知羞。爹娘
話不受。恃己主權拿在手。不違約束反爲仇。
想起少年妹。如今新例開。姻緣唔駛託良媒。獨已訪尋靚倌仔。兩心愛。佳期
何等耐。周公禮義全反悔。迎親不用花轎抬。
姊妹春心動。窈窕不歸宗。整成裝束別華容。舉止言行更異種。習歐風。講禮
如講夢。閨閣規模更弗懂。般般放蕩樂無窮。

婚姻憑父母。日後及怨多。今隨彼美結絲羅。堂上雙親難以阻。爲情魔。甘心同枕臥。配婿若從媒舌播。遇人不淑奈誰何。

這樣紅粉黛。深閨特別開。終身大事不須媒。携手同行尋靚仔。令人愛。大有風情在。遠觀疑是琵琶妹。誰知香閣小粧台。

閨閣專制耐。多少美人哀。進化文明遂撒裁。舒暢胸懷靡窒碍。智慧開。學堂通中外。博得平權態度在。不堪閨範守從來。

我等嬌姿雅。專制不從他。何妨姊妹共繁華。服色異裝誰敢話。怕也呀。縱橫到處耍。弗管街談謗毀也。儂如白璧本無瑕。

平權事一舉。阿嬌加翼飛。求婚弗在母施爲。任意搵男親口許。難忍佢。併無廉恥處。身邊恰似彈唱隊。世人弄瓦不歡娛。

阿嬌年及笄。風氣效泰西。深閨唔守爲情懷。任意縱橫親擇婿。吾受掣。不諳周公禮。無論富貧貴子弟。只憑面訂做夫妻。

專制數千載。祖國學堂開。新政紅粉受栽培。婦界平權苛例改。得意哉。任從擇匹配。魚水相投無阻碍。文明結婚以情媒。

守財虜歌

許炳葵先生評閱

金銀堆滿屋。鄙吝冠鄉曲。雁行難望佢貸粟。提起國捐更擧蹙。度量促。將貽後世福。邦若淪亡家斯覆。愁可掬兮愁可掬。

恁個慳吝佬。金銀不化耗。憐寒唔怕佢贈袍。提着捐題就話有。唯施寶。一毛不拔到。雖則青蚨人重好。攬住荷包恐響撈。

佢睇金銀重。做到鉅富翁。名稱百萬尙云窮。黃白揪埋成幾積。貯家中。一文都唔用。攬住荷囊全不動。庫房還是鎖重重。

世間黃與白。被其手中握。納入庫房出不得。看管嚴於巡警伯。禁太刻。半毫無走側。口餓尙慳買食塞。真賤格兮真賤格。

黃白豐儲饗。宜師卜式公。吝囊誰料復詐窮。因苦求睺哭眼腫。耳過風。錢文吾解動。縱使家人成病重。臨危猶未捨臭銅。

家資既巨萬。奚容吝吝慣。誰知槍楚擁金銀。親弗賑兮疎弗散。骨肉間。鏹銖恒反眼。人生百年終有限。一文不去亦當聞。

謹慎爲根本。腰纏十萬貫。有錢便好置田園。數部細查進支款。噲打算。黃白儲到滿。出入金銀宜自管。常要關住庫房門。

關住揪錢櫃。半毫冇化費。庫房巡邏步唔離。時常關住荷包裡。任由汝。當佢羅俊義。挪銀贖命都不理。一文離捨任刺皮。

恁個富翁仔。慳吝有誰賽。重錢輕命有人陪。多少貯埋交後代。个揪个。一文唔想駛。還將庫房鎖加倍。差下五雷劈不開。

緊鎖荷錢袋。迅雷擊不開。時常積蓄若干枚。過渡尙虞漏落海。駛了个。心頭痛數載。多少慳埋交下代。那知轉瞬化爲灰。

平生嗜積蓄。鉅富賽通族。百萬時常存到足。還重開個鎔金局。碌算碌。黃白堆滿屋。駛之一毫痛入肉。怪不人稱亞茂叔。

祖父遺百萬。交落恁一班。剖腿藏珠爲揪銀。費了半毫多怨恨。果係慳。原封唔拆散。常把金囊雙手挽。求他捐助甚艱難。

其人慳得哉。奚防救急濟。客當唔怕佢化埋。父業遺交願住底。把緊細。斷無充大派。揮金一毫痛莫抵。親朋難望渠提携。

生來好骨格。做個大富客。一日入門按幾百。庫儲盡是黃共白。永無拆。天明
巡到黑。綁緊金囊打死皓。求助一文唔捨得。

若輩財癮重。一毛不拔空。施濟難望佢臭銅。籌欸征蒙更弗動。聞電風。荷包
雙手捧。這樣人生何所用。可憐枉作小富翁。

度量真顯淺。一厘都睇見。唔顧名譽酷愛錢。寧代兒孫牛馬賤。國民捐。奚能
助個仙。分毫不拔誰欽羨。世人若此枉徒然。

此佬稱財主。財雄長膽志。家財擁護就開眉。人發橫財佢懶理。財庫裏。多財
驕閭里。誰知財帛招人忌。終悔留財咁激氣。

齊人家物阜。搖尾乞唔够。歸云好友請高樓。朋輩出錢佢出口。還想偷。聞捐
詐蠶走。時常攬住個荷包。寧願雷公踏落頭。

尋着條財路。發財噲打數。財經過手盡包羅。吾肯捨財做善事。積財多。愛財
寧抵餓。恐怕爲財頭戴箍。因財至累受災磨。

失個錢都恨。重得咀交關。一毛不拔亦當閒。家貲既然富鉅萬。唔駛慳。死後
何曾挽。只怕遺兒化蕩產。枉他寸積幾艱難。

啞女嫁聾夫

梁允懷先生評定

彼婦喉音敝。配郎耳鼓閉。洞房相欲語襟懷。呼應不靈真響抵。屈一世。難傾風流傷。妻若寒蟬噤莫解。婿同驢馬獨知嘶。

娘子喉音笨。伊誰共結婚。湊個郎也耳無聞。兩老排開對得準。工整分。商量總有份。任從隔里人談論。包管唔怕聽婦言。

這個塞耳婿。登對結舌妻。洞房花燭舉眉齊。郎也克言聽又敝。娘口閉。能聞語窒滯。枕角商量難發啓。憫他談情兩虧細。

赤繩因錯繫。娶個塞語妻。一生抱悶在襟懷。滿腔心事誰代解。屈一世。難爲做夫婿。可彩二人同敵體。湊着郎君耳亦閉。

免做長舌婦。欲講口難吐。畫眉人未曉鳴囉。動向瑟琴隔耳鼓。響聽訴。枕頭無狀子。怎得鳳鸞皆識字。方唔屈煞兩公婆。

個婆舌難弄。個佻耳弗通。可憐辜負兩雌雄。聽不聞兮語不動。確陰功。傷心情萬種。若得講郎入耳孔。時常對話表情濃。

蘇娘口譽誦。薇郎語不通。無言桃李遇奇逢。解語唔能憑手動。蘭房中。夜合同甘夢。合歡祇可風情弄。鴛鴦交頸對芙蓉。

結錯鸞鳳侶。憐妾有講句。無言携手入羅幃。交頸鴛鴦同枕睡。眼對對。合歡無趣話。彼此愛情嘴接嘴。口閉耳塞奈何如。

生來難啓口。同談用手湊。因妻語塞籌謀。滿腔心事向誰剖。有能較。忍氣免吵鬧。我耳不聞起暗號。默默無言自點頭。

妻因唔講得。凡事難共白。兩意不明舉手畫。公指南時婆指北。口嚙嚙。半句無能測。湊着郎君耳又塞。汝話嘞啲唔啲啲。

即因雙耳背。婦亦口難開。匹配奇異有人陪。結下姻緣無更改。雖恩愛。確係無可奈。非因爹娘無主宰。實怨月老錯爲媒。

重聽個夫婿。語塞婦爲妻。新婚魚水結和諧。誤會嬌言不敢厲。勝過細。不虞長舌敵。笑對良人眼睇睇。願郎舉案祝眉齊。

房中無兩美。彼此覺趣緻。見人總係笑微微。郎不聞兮妻不語。欲談事。惟有起手指。滿腹衷情難達意。傳神滋味眼對眉。

個公雙耳塞。個婆口默默。新娘除開遮面怕。花燭洞房兩相得。真合格。姻緣果奇特。問夫嬌名頭側側。不語含笑手畫畫。

臭魚夾臭蝦。俗話講唔差。夫聾偏又妻娶啞。姻緣整定實非假。此無他。赤繩繫足也。條命生成莫怨罷。歡同魚水樂宜家。

兩人何命否。同枕有聲氣。姻緣配得咁怪奇。口不能言逢塞耳。想會意。確難分此彼。娘子呼應憑手指。雷鳴炮响君唔知。

天生成佳偶。汝啞我聾湊。夫妻魚水樂綢繆。巫雲興起交來媾。摩鷄頭。爽極難開口。指天畫地形似吡。大傢會意識得透。

郎耳難聽事。妻詞不可吐。終身偏係做公婆。日夜周旋憑手舞。口莫訴。應憐佢辜負。望過幾年緘默苦。富貴壽考子孫多。

新娘口蠢講。配着塞耳郎。婚姻湊巧結成雙。婿久未聞妻誹謗。公無防。唔愁告枕狀。兩傢排聞山山爽。二人諧老在蘭房。

婆仔喉音笨。公仔耳無聞。二老姻緣共結婚。即使兩家查有問。算對準。每人佔有份。商量枕上難同論。可恨化工造唔勻。

姻緣咁光景。難講亦難聞。枕邊無望說長情。一世不聞妻面命。苦呼應。起手
爲號令。二人口耳憐同病。抑鬱含冤兩不平。

賢妻諫賭

姻緣前生註。怎樣咁孽氣。勸君戒賭勿遲疑。奴願績麻勤針黹。郎緊記。賺個
非容易。枕邊良言開解汝。莫效亞蘭去賣猪。
願郎尋正道。唔好學當撈。博場休自逞英豪。須念高堂年已老。兼想到。呱呱
猶在抱。若不回頭趁及早。一家衣食對誰靠。
叫聲良人呀。番攤唔好搵。四方城裡誤年華。蕩產傾家從古話。提起怕。更怕
爭注打。萬望臨崖快勒馬。君學耕稼妾績麻。
貪心不遂願。輸落三幾年。累及拙荆悲漣漣。問心無顏相見面。即刻變。改過
而遷善。前日想頭真討賤。從今盡聽老婆言。
真係好老婆。時常料我過。博錢輸去耐誰何。想起翻來唔得妥。自己錯。從今
好內助。不入偏門終免禍。雖窮唔駛受折磨。

不思貧且賤。一擲竟萬錢。累儂終夜不成眠。忍令床頭嘆金盡。快改變。莫嫌
奴話淺。及早回頭裝後殿。丈夫那肯受人憐。

紫微郎曖昧。葵心傾者貝。虛牝荷錢也咄呆。典盡玉簪難奏凱。桃唇開。解語
從今改。長春莫向方城在。免奴指甲托香腮。

誠郎須自重。勿入博場中。番攤最易累人窮。牌九鬥牛都莫弄。猛惺忪。聽從
奴勸奉。若是痴迷仍在夢。樓房田地總成空。

枕畔常吹耳。細聲又軟氣。勸君改品勿延遲。勿向博場貪小利。須緊記。立志
營生理。縱使家貧無米煮。奴甘藜藿樂充飢。

奴揸幾粒豈。請郎汝咕透。英雄入局料垂頭。好彩有時中兩口。偷多叩。買一
開三湊。輸去金銀空拍手。願君棄此勿癡謀。

博情無底止。細稟我郎知。世間總是有便宜。贏得易時輸得易。把定意。莫入
偏門裏。困盡英雄由孤注。勸君節守勿遲遲。

望郎快改品。偏門切勿親。從來博弄噲傷神。屋宇田園化消盡。斷六親。凄涼
到此陣。望納妾言當緊慎。貧富由命不由人。

博局多鬼鼠。君猶貪戀之。當奴獅吼性雖移。屢見亡羊來趕注。狼藉輸。唔及
鬥斗易。切勿狐疑迷困住。勒馬回頭也未遲。

偏門該條路。勸郎切勿做。不如及早改正途。況且有奴勤幫助。我丈夫。聽錢
咁辛苦。贏來易去輸難補。朝廷嚴禁汝知無。

嫁着撈家仔。身無隔夜財。左來又去易化灰。究竟贏輸都有彩。緊記哉。偏門
多鬼魅。若不早圖心改悔。令儂惱煞托香腮。

枕邊進溫語。勸郎博勿趨。化家蕩產實堪虞。立品圖謀從正處。勿貪趣。恐爲
偏財累。一失足成家業墜。身名俱裂悔何如。

博也最爲害。夫君未醒來。傾家蕩產盡成灰。盍早回頭性品改。父母愛。親朋
皆喝采。更令奴奴歡幾倍。願郎奮志勿徘徊。

四德三從婦。良言勸丈夫。莫貪博具走江湖。輸盡錢財愁滿肚。品要顧。唔改
終累事。及早辟邪歸正路。免教失足悞前途。

荷包輸白地。博情應早棄。君何不省尙遲疑。枕上朦朧還叫二。須緊記。四方
城遠避。即使困窮當守己。妾甘藜藿亦充飢。

四方城固鞏。我郎勿再攻。有誰應手得奇逢。牢補亡羊孤注重。估晤中。田園成一夢。妾抵淒涼推飢凍。憐君鐵碗箇英雄。

偏門原弊竇。妾爲君擔憂。幾見博仔住高樓。蕩產該時無升斗。須想透。勤儉方糊口。莫話輸錢錢去。頭郎猛省早回頭。

望郎顧大體。博場須用戒。切勿貪圖作生涯。輸去贏來難以抵。晤過製。田園既已賣。勸君猛省宜自勵。勿負平生咄昏迷。

好個淑善婦。良言規浪夫。務從正業振鴻圖。博館迷人親不顧。切莫思。緊戒該條路。開導萬端忘口苦。望郎毋復喝雉盧。

博字大有碍。夫婿要離開。任隨設局莫行來。倘若臨場爲汝害。恒自愛。解明當速改。无妄呼盧貽後悔。須知無益戒之哉。

郎君真懵懂。困在博場中。儼如鐵板箇英雄。及早改良休舞弄。細想通。爲人當自重。斬指洗心除禍種。奴言莫作耳過風。

禁博朝廷例。夫君尙未戒。至今猶被局中迷。請聽奴言來勸解。幸勿怪。莫責儂非禮。都爲家人身倚賴。偏財願請免掛懷。

博局非務正。勸郎切勿做。曾知張網四面無。毋向方城來縱步。噉囓夫。偏門
當却負。靡作奴言全是苦。願聞發奮振鴻圖。
者貝果能罷。深深謝造化。勸君勤懇種桑麻。莫把賭場來堪耍。夫婿叫。切勿
貪圖也。況且嚴禁唔係假。有誰還去做撈家。
品流要高雅。有得學撈家。最怕犯禁鎖兼拿。蕩產破家唔在話。我郎呀。改之
爲貴罷。漫把算盤將錯打。奴言是聽總無差。
淑入勸夫壻。立品早爲佳。莫向博業作生涯。輸了本錢典當賣。要趕快。改良
除舊敗。縱使家貧奴甘抵。終宵推耳到鷄啼。
條腸愁到爛。爲郎好買難。床頭搜盡有厘銀。耳熱面紅怕反眼。恁陣間。奴奴
唔敢犯。轉念想夫同保產。且把良言勸幾番。
守分君之本。者貝禁難寬。工商唔業業偏門。贏輸祇藉皮錢轉。做攤官。勿云
當耍玩。正路營生入路罕。奴奴情願抵貧寒。
到抵家門旺。配合淑紅粧。枕角良言有義方。戒却偏門唔再往。志氣剛。改邪
歸正項。從此田園頻增創。傳名遠近好兒郎。

人怕老來窮歌

許炳燊先生評定

及壯謀生易。年衰力已疲。須知發奮在少時。積蓄留爲頤養地。若失機。耄耋行將至。晚景蕭條怨命否。誰憐雪夜臥牛衣。

桑榆垂日暮。銀花蕊不吐。長春芳草長荒蕪。積穀防飢君子務。金錢疎。素心愁抵餓。艾髮已皤年虛度。荷囊若洗嘆毫無。

隨處求財利。豐富免凍飢。恆將勤儉講操持。莫話大壯年足恃。歲漸至。髮鬢咸白矣。回首家無升斗地。甌塵小蓄又輕欺。

有爲要有守。方免日後憂。我儕歲月遠悠悠。漫恃運到能將就。枉度秋。忽然變白首。困乏伊誰憐衰朽。還防奚落淚多流。

少年須顧底。積貫留後計。最愁晚景賤如坭。趁及壯時勤守藝。知機敗。奮志休怠懈。震刷精神防歲邁。免教皓首受寒淒。

行年未到晚。手緊亦當閒。最防皓首捱單餐。操作無能空着眼。至此間。真真係撞板。可趁少時防後患。免教臨耄悔難翻。

生平條命鄙。泰運總唔至。隨明度活過少期。漸漸批算六十幾。益歎秋。窘乏
眞無比。復往營謀難獲利。如斯暮景甚悲離。

奉勸諸子弟。身籌長久計。莫貪學懶四淫齊。待則白頭時遲滯。難過世。個陣
知蔽翳。好趁年少謀得體。免教垂暮受風淒。

光陰去太速。年將八十六。只爲少時唔積蓄。化了田園連祖屋。受勞碌。三餐
共碗粥。年邁貧寒更孤獨。勸汝後生宜醒目。

生平不可懶。秋過恨唔返。須防年邁甚貧難。取得朝來又無晚。暗自嘆。餓成
得雙眼。想起世情眞可恨。縱爲壽星亦當閒。

寄語青樓女。韶華去莫追。毋貪靚仔鬧歡娛。脂粉場中難久處。歲過歲。金銀
無積聚。手有賞財萬事懼。花容瘦損倚向誰。

頓覺驚秋恨。轉瞬幾十眼。青蚨莫作當爲閒。古語有云顧後患。恁陣間。無錢
就撞板。積穀防飢慰景晚。勿俾這時捱單餐。

以財爲根本。後生要打算。須防暮景捱飢寒。蓄賞揪埋慰飽煖。私心算。秋容
驚雪滿。想透世情貧一歎。最恐親朋冷眼看。

駒光過隙易。我郎須緊記。少唔努力待何時。自古興家從儉起。要奮志。積財
兼積利。防備暮年無米糞。兩老齊全免抵飢。
君話遊歐美。枕畔細囑噉。蠅頭寬利早歸期。切勿邪行唔覺起。須緊記。轉瞬
多歲紀。勤取金銀妨晚裡。眼前還未有孩兒。
想到白頭境。黃金莫睥輕。恁時倘以范丹貧。衰邁烏能捱苦景。素心驚。青年
要知醒。致富必須陶朱並。蒼頭困乏實堪憐。
銀樹唔開蕊。長春抱悶居。蘭桂庭前付闕如。桑榆垂暮囊空懼。芙鏡對。素心
愁洒淚。指甲透算貧賤處。荷囊缺點枉年衰。
敬告衆梓里。同人須緊記。後生務要慳慳。積貯青蚨防古稀。解語知。長春
虛度易。最愁白頭冇米糞。囊橐空空悔恨遲。
而從心所欲。正宜享晚福。衣則帛兮食則肉。無奈錢財唔豐足。住破屋。孤寒
難盡錄。體弱力衰空躑躅。寄語青年須醒目。
近憂因遠慮。先愁有拮据。每思積蓄難以聚。晚年氣質定衰頹。他日需。恐防
無處取。工不力兮商不遂。朦朧困苦并相隨。

敬告衆梓里。一定要奮志。耕讀勤稼趁少時。轉眼星移八十幾。年古稀。歲月不我與。個陣在陳誰知己。抱膝長嘆悔恨遲。

無錢眞譽抵。總之講唔細。週年長拖撻蹻鞋。歲月催人年又邁。周身債。事事都失體。女要嫁時仔又大。未知何日開心懷。

韻光虛度矣。勿作當兒戲。早籌私已便相宜。鵝眼揪埋要自備。須緊記。貧寒防在邇。歲月如駒過隙易。囊空如洗恨差遲。

十八與廿二。諸君要緊記。金銀積蓄好男兒。莫恃韶華盡散起。到古稀。無錢誰識汝。敬告同胞顧後尾。兒教年邁嘆淒其。

少時充闖派。不爲日後計。至到暮境苦難捱。散盡資財蕩落街。屈半世。皆因唔顧底。家積千金如水逝。晚年有文怎開懷。

背駝腰叉曲。勞碌難結局。想起此時毛骨悚。莫恃今年方十六。宜積蓄。囊空無親屬。恐到而從心所欲。衣不足兮食不足。

半生捱勞碌。無時閒食宿。到處奔馳少駐足。幸得賞財多積蓄。貯陸續。數起計唔曲。衣食豐盈富潤屋。晚來納福呀納福。

運不通時到處難歌 關植之先生評定

羌公居北海。孔某困陳蔡。韓信胯下辱難裁。季子空囊妻薄待。劉備哉。孟德
思辱害。由也問津人唔睬。司馬題橋氣奮來。

比論孫大哥。勞碌受得多。提倡革命涉江湖。決意難移爭漢土。奈限數。前程
還有阻。一日行過晦氣度。功成全不費工夫。

攷察八個字。四處有冲破。勾陳寡宿阻前途。駟馬紅鸞唔保護。晦氣多。所行
皆逆路。半世困窮居陷墮。未逢佳景奈誰何。

否極總唔泰。百謀無一濟。今日至東明日西。命水靡湊真響抵。屈半世。囊空
有文解。爲口奔馳程萬咪。孔方亞哥幾時嚟。

守家多失策。百謀方旋墨。政黨相持狼虎革。仇視外人財命索。唔棲得。儉關
過美域。撞着稅員嚴拉冊。令我回華申逐客。

東西徒勤苦。南北更奔波。命途多舛奈誰何。四邊求謀無好路。眼悻悻。淒涼
有計度。抑鬱牢騷堆滿肚。人生當晦受磋磨。

廿年悲作客。猶未返故宅。遍歷東西又南北。所爲輒阻常蹙額。愁默默。自慙志不得。對鏡乍驚頭半白。家書屢接頻交謫。

逗留羈族邸。依舊滿身債。毫無振作暗傷懷。每念高堂年紀邁。欲歸計。囊中右文解。發奮圖強來他徙。仍然屯蹇事無諧。

東西南北走。命水總暗湊。縱然本事亦低頭。四境飄流至各埠。有能較。所謀咄敗陋。辛苦備嘗風霜飽。爲口奔馳逐樣愁。

一生都是命。越走越零星。造化半點弗容情。東往西來逢逆境。常遠征。五行怕失令。辰未遇兮踪未定。奔馳南北盡愁城。

離鄉久得戔。蹇限事無濟。睽違兩地暗傷懷。阻塞財來愁莫解。否弗泰。淹留羈旅邸。遍復圖謀常屢敗。窮途困苦莫堪提。

縱身遊別境。心事重唔稱。氣數窒碍響經營。囊裏肅肅對逆景。東西奔。貧寒都怨命。漫道英雄能喚醒。徒嘆半點弗由人。

遍地飄流蕩。覓食走四方。東轉西至路渺茫。勞碌奔馳冤太枉。飽風霜。求財空虛望。命裡唔湊眞響講。客途歲月嗟悽惶。

走盡天涯路。風塵跋涉多。勞勞碌碌爲窮途。景遇未逢真不安。朝夕思。憑誰
救涸鮒。遠念高堂妻共子。柴米油鹽尙有無。

命運多相尅。所謀皆嘔啗。惆悵飄蓬羈異域。蹉跎歲月嗟困厄。愀默默。親幃
傷遠隔。欲去歸兮歸弗得。囊空如洗呼將伯。

流年遭晦滯。難苦講唔細。恰如朗月被雲迷。事有圖謀皆失敗。眞發齋。窮途
靡了賴。命理生成無救解。杜勞心血走天涯。

一生條命薄。來去都有作。縱使離鄉往外國。東走西奔無所獲。陰陽錯。出門
更落索。轉過天涯四個角。居弗安兮行弗樂。

在陳絕糧後。既辭蠶司寇。乘桴浮海四圍遊。欲居九夷或曰陋。思想透。道行
莫大否。記得過宋微服走。問津唔答諷心頭。

失志居鄉黨。特來遊美邦。關山阻隔極悽惶。東走西奔無善狀。遍四方。未逢
佳景况。命實由天真譽講。男兒應愧貌堂堂。

天眼眞唔現。天虧我身邊。天天長望發財源。天下困窮無法演。天過天。天弗
從人願。天命造予何命蹇。天涯走盡亦徒然。

時開運轉歌

許炳葵先生評定

新春財星起。得財兼得志。忽然變作富家兒。回首從前今不比。真得意。所謀俱皆利。好多親友來恭喜。合家安慰笑微微。

風吹雲散蕩。月朗復星光。財源發達變富郎。從此經營興寶藏。志氣壯。與昔唔同講。鴻圖大業而今旺。腰纏十萬就回唐。

一向當逆景。忽然遂心稱。橫財就手四方城。即刻買舟回鄉井。事事勝。親朋來相請。立宅置田十萬頃。家肥屋潤顯門庭。

昨日去問卜。先生談衷曲。佢話老兄應發福。佳景常逢還陸續。十靈足。果然從心欲。否命變成亨泰局。生生不已如輪軸。

清朝專制久。革軍滅滿洲。義旗一舉震全球。萬載健兒名不朽。真講究。河山今改舊。孫文總統爲元首。民國功成萬事休。

得返中原境。漢人勢歡聲。華邦從此復光明。四處共和行革命。改新政。脫除專制病。亦孔之嘉天保定。咸歌民國樂昇平。

該回財氣旺。運發數十方。青蚨滿意白兼黃。少年得志做新郎。確係爽。今時不比往。置田立宅唔在講。又娶二奶入香房。

行過晦氣度。就逢好路數。從今唔駛走江湖。自有貴人來相助。容易富。吉星常拱護。黃白豐盈萬事妥。榮旋故國振鴻圖。

小限睇同唔。流年改換細。從今否極好個嚟。不此前途咁暗滯。事事濟。百謀無一敗。窮鬼居然變闊派。旁人誰復罵衰牌。

革命如蜂擁。天運值亨通。千車伐北搗黃龍。大懾羣雄恢漢統。真威風。都督黎元洪。鄂省一興四震動。算來滿清嗣將終。

中國困奴隸。倏然脫專制。恰如久旱見雲霓。發達從滯無阻茲。新世界。革除舊積弊。男女平權效西例。自由幸福樂無涯。

鴻鈞氣轉矣。共振英雄志。鷹揚漢復遂乘時。同奮鵬搏北伐議。風鶴悲。牝鷄惶無主。快將項城封爵位。依然螭陸莫撐持。

自從奔異地。落拓在花旗。屈指算來年卅幾。求謀未遂待乘時。今得志。財神跟住尾。洋蚨富足荷包裡。整定歸鞭有日期。

時代廿世紀。開通我民智。運興漢族掃胡兒。轉變共和爲宗旨。元洪起。孫黃
償舊志。總統軍政俱完備。從今中國效花旗。
今日方無慮。換來壬子歲。刪除辛亥運衰頹。從此同鄉諸客旅。總不拘。到處
貴人遇。正路偏門皆順遂。腰纏十萬錦衣歸。
從前滯無比。久困在花旗。忽然得志震財氣。否極泰來發裂蒂。大有機。臨門
鵲報喜。命晦革除還故里。家人叙樂笑微微。
運景晤同講。晦運掃清光。今年好運志氣昂。運限輪流分衰旺。運穩當。行運
真係爽。滯運却除送他往。運得財來自有方。
中原漢有。乘機滅滿洲。順天應人靖全球。天地不容專制久。今轉流。時際
運隆就。光復故土隨順手。民國功成真講究。
欣逢人恭喜。利路暢投機。必然今日吐揚眉。大振鴻圖聲徹耳。得意氣。東南
更盡美。萬事從容從心裡。策馬鞭揚預下旗。
去年真晦滯。朗日被雲迷。誰知一旦竟舒懷。事有圖謀皆得體。否復泰。儼如
再出世。逆境從今隨水逝。拈來白璧變朱提。

天涯遊子想衣添歌

譚鏡濂先生評定

花旗霜雪重。非裘莫禦冬。出外居家總不同。衫少歲寒肩膊聳。雖壯勇。風猛
腰亦拱。整備綿袍早遞送。免教遠客盼征鴻。
邊關霜雪大。時慮冷淒淒。朔風透戶感儂懷。料得君思袍溫體。早爲計。狐裘
整備遞。設尋驛使呈夫婿。免教寒苦在遼西。
一夜寒風起。深憐遠客悲。羅裳已不合時宜。皮袍今日方縫備。憑誰奇。君在
遼西地。切勿話奴忘恩義。相思我亦鎖雙眉。
居家曾飽煖。戲綵學承歡。慈幃暢叙樂園圓。一別十年驚日短。故耶遠。思親
魂欲斷。塵染袍征都未浣。聊將蔽體禦霜寒。
行軍須保重。時值是隆冬。遙憶程途隔萬重。每思狐裘今適用。可禦風。免教
眉獨聳。豈懼庫倫霜雪湧。征袍多備奮攻蒙。
雨雪霏霏亂。狐裘眼望穿。飄洋作客服難傳。夜冬無裳更厭悶。點樣算。離客
千里遠。誰贈綿袍抵來煖。免勞塞外咄寒酸。

嚴寒羈異域。怕遇秋冬刻。迢遞家鄉山水隔。衫少最愁風起北。思禦策。綿袍至合格。加穿任笑大纛伯。否則冷到了不得。

邊地金風起。巾箱服又稀。山陬海澨隻身馳。衫薄難禁霜雪雨。心記記。慈母縫袍未。日夕目窮鄉萬里。望裘蔽體念依依。

志不甘夔屈。乘桴浮海出。早起披星夜戴月。誰識客途多雨雪。風刺骨。擁衾雙慄股。欲購狐裘銀又缺。此際禦冬真無術。

天寒羈旅邸。苦海恨無涯。久遊異國怨命滯。浪子性慵工懶捱。想出街。衣薄風難抵。冬服欲添囊已洗。冰霜徹骨甚悲凄。

雨雪霏霏亂。行人心怎安。思籌冬服禦霜寒。惱煞飄蓬身羈遠。眼望穿。秋羅早宜換。催促皮袍寄莫緩。訪尋驛使便相傳。

萍踪棲異境。萬里隔家庭。秋來時候冷清清。衫乏禦寒眞響頂。寡丁丁。憑誰憐苦景。惟望慈幃裘寄件。免兒日夜嘆飄零。

覓利到亞板。萬里隔關山。思鄉情切夢無閒。忽見成行南征雁。暗自嘆。寒服宜常辦。冷氣侵入留憾恨。羅裳單薄實心煩。

忽覺金風轉。旅邸臥難安。羅裳不耐五更寒。思着綿袍來抵暖。暗自算。庭幃
遙隔遠。枕冷孤眠心緒亂。無聊盼望眼將穿。
漸漸寒氣暴。何難冬節到。遐方絕域苦塵勞。禦冷雄裘曾否造。風騷騷。旅邸
增煩惱。早晚時時防感冒。家人奚未寄征袍。
朔風透戶裡。懷人異域羈。單羅難禦冷時期。可恨重洋隔兩地。暗歎歎。君亦
知唔未。寒服憑誰傳遞汝。託人親帶到花旗。
遠塞人心悚。因秋起朕風。遐方旅客念相同。衫少怎當霜雪重。一交冬。更需
裘禦凍。服店雖能加購用。奚如慈母與妻縫。
朔風吹徹耳。憐君異域羈。寒袍早遞勿遲疑。自恨身難全料理。託人寄。孰是
郎知己。付帶皮裘送遠地。免教夫壻受凄其。
朔風吹漠地。連宵雨雪飛。親老家貧久別離。遠聽胡笳頻徹耳。作客悲。衾寒
難入寐。又取長襪加在被。黑甜鄉裡夢旋鄉。
高堂離萬里。定省久睽違。餐風冒雪客途悲。覓利奔馳羈異地。北風起。衛生
衫預備。敢謂少年恃血氣。禦寒仍要着狐皮。

不妨遊玩解愁腸歌

關植之先生評定

賢甥攻書苦。想必惱氣多。且看窗前百卉圖。還要過橋閒縱步。好詩賦。每從
觀感助。漫謂窺園慚董子。須化肚裡悶葫蘆。
獨坐書窗下。鬱滯點能化。園林景色咄繁華。入覽忘憂非是假。賢甥呀。唔怕
隨處耍。隻影形單趣味寡。當移玉步賞春花。
詩書苦人具。讀久惱肝肺。有時須步柳花衢。覩物騁懷除堆壘。憤股錐。常笑
蘇秦贅。當效右軍蘭亭處。多少名儒消遣區。
憂思填滿肚。耍吓亦如何。紅橋內苑鳥奏歌。奚必窗前長寂坐。怕乜呵。放心
移玉步。繳景繁華開肺腑。消灑片時悶即無。
讀書貴勤館。董子也閉門。學生胡可外尋歡。無奈久困心着悶。總難安。憂緒
如麻亂。縱有杜康煩莫道。除非舉步一窺園。
應份行開吓。或者發心花。何堪納悶對琵琶。情緒萬千須放下。想到化。担憂
都係假。弗若出門頑耍罷。沿途領畧幾繁華。

久坐成呆贅。須覓遣興趣。賢甥移步出庭除。且向花園觀百卉。快快去。消却
胸次慮。聖人與點飄然舉。浴罷乘風輒詠歸。
欲遣相思夢。移步到園中。窓前柳綠與桃紅。春色正宜堪撫弄。西自東。賢甥
隨舉踵。景似桃源仙子洞。閒行聊可釋憂衷。
盍訪林泉去。何必鬱幽居。須知佳境人引徐。滿目青葱皆樂處。好駕車。濠濮
開心緒。漱石枕流尤滌慮。胸中塊壘自消除。
讀罷書閒暇。應尋問花柳。芳園物色幾繁華。乘架自由車往耍。消遣吓。開釋
心煩也。滿目春光晤在話。胸懷憂慮自然化。
倦對琴書畫。隨喜悶可化。何須城市獵繁華。這被風光奇亦雅。後生家。個個
貪還要。須無好友閒談話。盍把幽情數落花。
牢騷裝滿肚。何處何消磨。聞道園林景色多。盍向前途聊散步。首四顧。能忘
心事苦。漫謂尋芳非正務。釋憂須在樂中圖。
阿甥算勤懇。未曾嫻嫻慣。怎知這裏好風繁。終日下帷性太笨。到此間。勿作
離向恨。倦吟聊着看花眼。涉罷成趣意自閒。

光陰休辜負。韶華實不多。及時行樂暢如何。讀倦正宜閒縱步。藉瞻顧。消釋
牢騷事。美景動人興起舞。觀乎且往往觀乎。

讀罷無聊賴。何傷暫出街。及時隨起開心懷。博覽繁華神爽快。景色佳。乘車
四處睇。頓覺胸中消鬱滯。憂思悶緒釋除細。

獨處清幽館。淹滯攻書案。閒時何碍入花園。直向紅橋通內苑。景可看。舌滑
鶯聲囀。縱有深憂和積悶。風光堪賞頓心歡。

蠢爾八股家。寸陰愛惜他。埋頭終日緒如麻。唔肯向園窺一吓。老宿呀。水山
明如畫。吟餘消遣無傷也。何苦區區效井蛙。

學堂放暑假。未可遽回家。公園物院幾繁華。快倩自由車一架。即管駕。動機
隨街下。淑性陶情真消灑。同人漫笑我爲沙。

白雲山景雅。處處有人家。奚怕憂思亂如麻。到此一行心就化。非是假。唔去
唔噲耍。咁好風光須賞吓。得來消悶勝看花。

獨坐因寂寞。隨步尋香國。直上酒樓登高閣。亞姑唱調耍絃索。奏鼓樂。舉杯
交相錯。該陣感懷盡忘覺。汝話快樂唔快樂。

讀書非貪耍。暫且亦何怕。却除心悶覩繁華。縱使胸羅鬱抑也。自消化。趁此春光雅。芸館雖勞應告假。開懷週贖賞園花。

悶坐書齋裏。衷情恐莫舒。閒宜舉步後園移。好鳥名花饒樂地。暢心志。領畧清幽味。古人秉燭良有以。勿負風光綺麗時。

寒窗常靜默。境場甚蕭索。心力勞瘁讀書客。最宜遍覽名勝域。到夜刻。風清兼月白。逢場遣興消煩惱。意自得兮意自得。

抱悶求消化。奚如步月花。除茲春景極繁華。萱草忘憂真說話。書讀罷。只管行開吓。縱有關懷心掛掛。自然風起散雲霞。

讀書非好懶。耍吓有較關。花園復遇開心煩。內苑紅橋皆雅範。嗚一番。幽懷隨消散。行行弗覺天將晚。歸窗回想也開顏。

獨坐清幽館。悶氣鎖眉端。任意舉步入香園。直向紅橋登內苑。曲欄杆。鳥啼聲宛轉。芳圃奇花皆雅款。盈眸春色令人歡。

散步繁華地。消遣最相宜。花香迎客笑情癡。憔悴滿胸都忘記。只管試。一覽娛心意。縱使千般憂慮備。到頭翻喜啓雙眉。

獨處清幽館。寂寞意難安。芸窗側邊近芳園。欲洒胸懷這裡悶。直待看。有橋
通內苑。名花好鳥啼耳畔。流連景物自心歡。
園林景色麗。直往觀心快。奇花異草俱生齊。遍覽繁華難盡睇。賞唔細。芳菲
四圍係。滿肚憂思都消洗。得開懷處且開懷。
詩書勤讀罷。食古歸能化。盍往園林觀物華。消暢清幽洵樂也。賢甥呀。文機
放活下。儒者風流傳佳話。賞花妙用開心花。

妓婦改裝自由女歌

梁菊東先生評定

獨自行踽踽。扮得咁緻趣。絹遮革履步輕隨。驟見驚疑咸水妹。認真佢。原來
花魁女。裝束儼然字未許。油郎誤認估爲誰。
皮肉生涯。扮作住家娃。形如土妹鬧繁華。蘇州娘裝唔係假。隨街耍。令人
眼鬼掛。遠觀疑是阿嬌也。誰料青樓個爛瓜。
爲娼眞折墮。皮肉當賣貨。前時確實受掣磨。今幸脫離專制禍。怕甚麼。扮成
更嫵娜。權握何愁無契哥。嚴令搗娘奈乜何。

老舉變容像。儼若嫩姑娘。渾身打扮確排場。舉動不同專制樣。挈阿相。齊飲
茶樓上。彼美在行人讚賞。也誰敢話佢當娼。
想攪風流婿。轉過個身勢。娼寮皆著有躡鞋。形式相同學生派。似無制。仍然
皮肉賣。若不從新人厭睨。幾乎唔駛掛招牌。
寄身在河下。原本是殘花。少年快活幾繁華。專主弗容人管吓。臭豬呀。唔顧
人唾罵。不類衣裳隨處耍。想學平權等嬌娃。
恁班老舉。溷跡寄烟花。羅裳掩映鬧繁華。不番不唐隨處耍。遠望他。祇咕
未破瓜。趨走近前細視吓。原來楚館抱琵琶。
奴扮文明派。衣裳換過細。豈同皮肉作生涯。任我縱橫擇佳婿。唔受掣。隨意
諧伉儷。無論貧富貴子弟。祇憑面訂做夫妻。
幾個爛豬脾。打扮學新閩。織織革履必趨時。辮梳大鬆絹束尾。整標緻。招搖
日過市。此風若長關名譽。恐玷良家掌上珠。
免守臨印地。真正大有機。革除專制幸逢期。即刻轉裝離寨裡。解衰氣。今時
非往比。跟個才郎歸井里。奴奴休望復歌姬。

脫除專制酷。歸妹唔捱辱。從今弗沾皮共肉。龜鴛無權來管束。宜速速。棄却
烟花局。轉扮文明妹寶玉。在己遨遊真艷福。

臭豬夾爛楨。鬢猶打大鬆。娉婷偏效嬌閨容。慣把風情來賣弄。嫖蛇公。眼鬼
爲所動。花樣翻新價增重。惹將浪蝶互爭鋒。

溷跡烟花裡。少年幾得意。風流快活過四時。恃勢握權行專主。樂遊戲。打扮
更奇異。祇估平權班少姬。誰知楚館宗臭豬。

欲悅阿相眼。襖頭束腰間。扮成遊學美嬌顏。白履素衣銀笏挽。出勾欄。引尋
覩仔反。詐作訂婚情懇懇。耳邊細語舌翻瀾。

初出枇杷卷。花容演大方。平權素抱重荒唐。桃臉不嫌蝴蝶浪。選情郎。蓮步
隨私往。專制脫離貪口爽。青樓蛤膩撈埋行。

身勢閨秀樣。肌膚失本相。却來扮作嫩嬌娘。蕩粉塗脂行街上。欲演靚。人話
年些長。何苦變更這個樣。招尤應悔少商量。

影畫戲場裡。自由花一枝。金絲眼鏡親蛾眉。纖纖玉笋鑽戒指。既去矣。疑似
深閨美。異夕舉遊脂粉地。見佢坐燈賣肉皮。

想起當老舉。賤到有處去。奴奴扮轉任施爲。擇個才人通英語。勢有威。訂結鸞鳳侶。携手同行泰西類。姻緣半世樂唱隨。風氣趨時尚。女愛自由鄉。絹遮革屨窄衣裳。結隊偕行無避讓。太披猖。青樓爭睇樣。有目漫云都共賞。不施教育實心傷。恁個老舉。扮成似嬌娃。恰如土生在加拿。朝夕時常隨街耍。尾跟他。祇估好貨也。急步上前睇一吓。細看原底是殘花。古陋因無味。娼寮亦轉機。衣裝新整合時宜。醜業扮成粒吧咗。開風氣。老舉穿革履。龜媽看見唔管理。秦樓從此舊制離。驟似奶媽樣。身穿二八裳。三群五隊遊街上。言細笑大意洋洋。素樂娼。如今已變相。青樓一別心歡暢。大嬌名稱轉姑娘。扮作姑娘派。猶異俗羣釵。番書手捧向前嚟。舉止縱橫真大邁。各巡差。見他還施禮。誰料細查佢實底。原是青樓百客妻。嘻嘻譽展講。時尙轉西裝。我們娼業要上行。服色更新方有望。雖曲當。禮衫買到爽。扮足土生靚妹狀。料然合意各情郎。

笑口傳情膽肝歌

關以華先生評定

欲行故莞爾。短盡英雄氣。撩人五內兩迷離。風度嫣然誰比美。訝天姬。世間
曾得幾。一顧回頭生百媚。怎能合掌念阿彌。

桃唇輕一啓。全神露出細。教人衷曲被癡迷。見姐嫣然真俏麗。絕妙佳。撩我
心腸繫。若得與他諧伉儷。免予五內憶金釵。

莞爾笑形像。果係好笑相。含笑窈窕斷人腸。美貌笑容堪共賞。笑愈靚。巧笑
倩兮樣。未笑已前儂亦想。臨行賣笑越心傷。

形神如落雁。既令我心關。況乎莞爾巧容顏。見佢孰能閉兩眼。恁陣間。相思
無限恨。臨行一晒金蓮趂。幾迴腸斷豈當閒。

莞爾如花樣。臨行未出聲。弄人魂魄盡飛揚。窈窕風流世所仰。丰儀靚。長掛
心頭上。杏臉嫣然誰弗想。令予惱斷九迴腸。

美人莞爾樣。如花露凝香。素心掛住白衣娘。柳眼傳神誰不想。芙蓉靚。金蓮
的的响。杏臉嫣然難有兩。桃唇輕啓斷予腸。

花園遇淑女。嬾娜金蓮去。桃唇輕啓動予愚。撩起相思無限緒。記緊佢。如癡
更如醉。怎得阿嬌同伴侶。免儂五內苦躊躇。
阿嬌莞爾樣。如花吐向陽。胸中懷繫白衣娘。賣弄風情誰不想。嬾娜相。記住
心頭上。倩兮巧處這形像。令人憶斷九迴腸。
回頭輕啓齒。唇淡抹胭脂。臨行顧我偏遲遲。忠赤交縈難自已。細思之。欲吐
依然未。怎識嫦娥否有意。令人五內兩神馳。
怎覩桃花面。神魂顛倒顛。教人腸斷在嫣然。默默無言空顧影。兩心傾。私衷
憑暗領。爾愛我憐難自遣。相逢願解意纏綿。
歸妹眞窈窕。臨行便詐俏。解頤向我目頻瞧。觀姐顏容塵世少。恒思嬌。啖違
魂夢繞。大有姿丰如此妙。爲娘心緒益無聊。
嫣然明賣弄。長積我胸中。秋波眉黛憶嬌容。巧得倩兮思接踵。斜目送。撩人
心攪動。微露瓠犀緣已種。懷凝肺腑怎消融。
臨行莞爾樣。令我專心向。牡丹亭上一嬌娘。畧啓桃唇眞足賞。俏儷相。掛住
胸頭上。媚態嫣然誰不想。教人思念斷衷腸。

花容真俏儷。柳眼放橫嚟。回頭莞爾動予懷。嬾娜弄人癡莫解。貌極佳。有誰
心不繫。爲姐相思無了賴。願諧魚水樂眉齊。

細睇嬌半範。臨行恁陣間。朱唇莞爾確超凡。一轉秋波撩我恨。忽然盼。令人
魂魄散。意欲與娘携手挽。私將衷曲對亞環。

恁個白衣女。裝整甚雅趣。仙子瑤宮恐不如。回頭輕啓櫻桃咀。動心肺。神意
關五內。似有深懷難共語。教予魂魄繞跟隨。

桃唇輕乍啓。嬌容妙絕佳。教人怎不動心懷。故把風流向我賣。看子細。果然
大傢派。幾得有緣諧伉儷。免予肺腑憶痴迷。

一嬌情根種。情癡注胸中。千金難買一情濃。柳眼關情心蠢動。情所鍾。只爲
風情弄。桃唇妙啓寄情種。懷抱情牽臟裡痛。

牡丹亭前下。曾見一枝花。臨去桃唇啓一吓。撩起心事亂如麻。記住他。相思
唔丟罷。想姐玉容真消耍。條腸爲佢九迴掛。

莞爾桃唇啓。神乎露瓠犀。見如膠漆怎去懷。柳眼青垂環珠麗。素心契。藉絲
鯤鵬繫。嫣然一送迎風擺。衷腸從此憶金釵。

莞爾神飄蕩。悅眼美容光。素志盍想鳳求凰。俏儂令儂心惘惘。桃唇放。風流
眞係爽。微微啓齒臨行望。弄我魂飛魄亦狂。
佳人輕啓齒。向我微微嚙。問誰見此不揚眉。這態形模思彼美。心記記。輾轉
難成寐。空感巫山雲共雨。孤窗越想越神馳。
莞爾神魂亂。丟眼動心酸。興懷想共樂團圓。回憶形神腸欲斷。爲偷看。想思
難解悶。怎得與娘同枕伴。免教寡宿嘆衾寒。
桃唇半面露。宛若一樊素。撩人思緒亂糊塗。俏儂直疑天飛渡。爲他魔。莫通
藍橋路。欲吐仍茹饒風度。怎能合掌念彌陀。
無聊書懶讀。閒行賞花木。偶逢一女美如玉。半露桃唇輕舉足。送衷曲。未曉
何眷屬。無限感懷貪所欲。怎得阿嬌藏金屋。
蓮步輕輕踵。桃唇俏賣工。美人關裡短英雄。五內葵傾縈兩種。邀桑中。又怕
墻茨諷。君子好迷何日誦。兼葭怎詠溯洄從。
昨兒娘莞爾。頗覺甚投機。撩子癡醉夢迷離。賣弄丰神恁趣味。心記記。掛住
瑤仙姊。半露桃唇更獻媚。怎唔腸斷想齊眉。

女界自由防亂節歌

梁允懷先生評定

鄭衛淫詩撰。胡爲孔不刪。意存今日警紅顏。喚醒羣嬌休放爛。湊洧間。若唔
知忌憚。褰裳涉與男交挽。忽失貞名贖不翻。
道德爲根本。男婦同一般。共和陡起專制完。齊享平權最喜歡。要細算。模範
不可緩。教育閨闈今尙罕。愁他穢事辱家門。
專制除固美。閨德怕放棄。雖威從此壓鬚眉。驟任縱橫難處治。須留意。恐越
範圍地。審思最愁勾白鼻。傷風敗俗譽維持。
幽嫻貞靜婦。緣知遵禮故。家庭命已革清乎。誰制羣釵踰矩矱。無忌願。恥廉
良易負。惟把杞檀詩讀苦。閨門庶免諷牆茨。
平等諸姑姊。桑間莫歪企。今雖巾幗具鬚眉。跬步亦當循禮義。失身譏。羅遣
父母恥。曷若謹行端素履。若傳貞烈耀門楣。
婦人少教育。性情多翻覆。國初共和要拘束。太縱蛾眉實非福。恣淫慾。野郎
藏滿屋。深閨待字便便腹。嚴定範圍方免毒。

平權諸姊妹。最宜樹梗概。墻茨須忌誚譏來。休把幽嫺貞靜害。破瓜哉。萬祈
君子待。杞檀勿任人扳採。護爾花名合香開。

女子性如水。世界若夢醉。投桃報李自躊躇。假效泰西由在佞。防是非。亂同
禽獸類。色裝文明貞節僞。最怕平等忘行爲。

寄語諸姑姊。周公禮勿棄。毋違夫子畫蛾眉。莫待平權淫風起。話過汝。須要
顧廉恥。結髮好頭應好尾。會知文君咄鼻氣。

閨閣平權派。惟德是馨戒。清貞誠恐做唔嚟。裝束文明虛好睇。無實濟。行爲
怕越禮。粉黛欲除專制例。務要規矩作前提。

初學文明禮。號稱新女界。週遊情痴若雲迷。志氣居然闊老派。走東西。欲尋
靚子弟。最怕唔能顧身體。錯脚淫奔誤一世。

粉黛平權派。徒然學泰西。私求君子樂眉齊。却用媒婆行六禮。脫專制。最愁
風俗敗。恐佢縱橫淫莫解。誰肯彌陀去食齋。

婦無淫蕩敗。緣知守禮制。大姒遺徽欲上齊。保持四德常虞弊。今裙釵。鄙此
爲拘泥。孟浪性情猶闊派。遑計貞靜表坊牌。

制度開閨閣。多生諸醜惡。荒唐無忌貪快樂。得意男兒將身託。效別國。素心好遊學。敗路同人當醒覺。婦輩專權例要駁。

美人權過重。姊妹紊行踪。蘭房得勢逞英雄。蓮步隨意頻舉動。梅信通。解語舌常弄。貪睡海棠思好夢。傳神柳眼惹春風。

平權雖高雅。正氣實可嘉。最嫌賣笑演金牙。革履絹遮四處要。誰唔怕。守身都係假。莫若專制泥古罷。免玷詩禮好人家。

政府開禁例。閨閣脫專制。五倫顛倒不須提。舉止輕狂恃勢大。效泰西。不容理分解。風月從心唔守禮。無廉之道切宜戒。

新例究同樣。婦道有何傷。閨秀若不恃權強。謹守閨門人堪賞。姓名香。夫妻心歡暢。四德三從皆欽仰。最怕淫蕩敗綱常。

朝遊暮未返。紅粉班算班。言行舉止學西鬟。恐佢縱橫過度範。唔羞赧。專尋靚仔反。與他少男携手挽。壞名喪節作爲閒。

平權欣自詡。深閨恐子虛。私奔夤夜訪相如。不畏閒人言共語。禮唔拘。情投吻接咀。雖有爹娘難束佢。太湖石上鴛鴦對。

歸妹唔受管。離閨恐弊端。荒唐觀劇或遊園。白鼻跟隨腸欲斷。復求歡。串同宿旅館。未遞坤庚先孕卵。人倫恰比鳥獸門。

華婦行西例。概不受夫制。怎能魚水得和諧。絕念三書和六禮。倚權勢。弗顧名聲壞。服色異裝賽俏儷。甘將皮肉作生涯。

祖國紅粉妹。任從擇匹配。例行泰西以情媒。苟合婚姻無阻碍。得意哉。密約同叙會。觀他行爲怕曖昧。不顧廉恥辱粧台。

坤道庚新例。紅粉效泰西。守貞貞潔不須提。平權恐佢淫風大。婦人際。倫常從此敗。廉恥唔顧今少艾。未歸肚裡私胎懷。

土產稱兄姊。俗例效花旗。相同携手話睇戲。實係行去旅館住。悅心痴。唔怕人論恥。兩家攬埋爽入味。雖然大肚不爲奇。

婦人天下母。道德須先顧。雖然專制已芟鋤。怕恃平權縱過度。範圍疎。做出穢污事。那時設法謀救補。爭奈根深不拔何。

女務須貞潔。界與男分別。自從解了專制喙。由來組織平權秩。防暗室。亂倫同作孽。節義不顧名譽滅。女界自由防亂節。

老舉貪靚仔歌

黃商瑚先生評定

可鄙賣淫妓。接客重丰緻。姣童眷戀不相離。倒貼賬銀典釵珥。熱到癡。啐面
又扭耳。膠漆情濃饌趣味。須防斬斷孽戾皮。
貌陋當叫妓。妓婦噲捉猪。銀多交他亦歡時。究竟心腸全假義。此何意。不重
稱財主。生得潘郎宋玉美。定然眷戀真情癡。
雌伏迷香洞。烏情別有鍾。翩翩公子美姿容。簫管樓前堪引鳳。鴛巢中。鶻躍
同爭夢。枕畔鷗盟訂種種。鷄頭任弄肉輕鬆。
遊子真美貌。妓女眼角勾。闊少模樣遂心頭。即打喊線去問候。咩咩嘍。請他
來寨口。果係情濃兼滑漏。任佢風流褲不抽。
生得丰儀雅。命裡帶桃花。青春貌美更無瑕。妓婦相見同樂耍。愛戀他。情如
膠漆也。龜搗聞知來打罵。私逃密約返中華。
面容如不美。嫖客須謹記。烟花妓女重清奇。冠玉青年方歡喜。甚投機。當佢
心肝蒂。押簪倒貼同甘寐。一時難捨又難離。

杷枇門巷裏。楊柳小蠻姬。合歡偏戀好男兒。若得芝顏宋朝美。素心寄。姊妹
歡連臂。金錢倒貼寧送汝。柳別仍訂後會期。

超羣又四海。貌美令人愛。淫媚見佢叫行來。雲雨風流情加倍。難割開。金銀
倒貼駛。一日不見如秋耐。孽緣癡戀作糖梅。

久在青樓地。前無合我意。今逢佳婿勿遲疑。必要弄他帶自己。即開戲。盡演
神情味。望佢贖奴歸家裡。寧甘藜藿不相離。

嫖客生秀氣。妓女甚投機。綢繆雲雨不相離。倒貼賬銀甘與寐。情戀癡。子弟
姿容美。愛佢猶如心肝蒂。黃金那及好男兒。

青樓選子弟。若合妓眼界。茶煙拱手奉到嚙。唔愛金銀愛貌麗。兩心契。山盟
和海誓。願許終身做二奶。縱無飲食亦歡懷。

溷跡烟花寨。捨身作客妻。拚將皮肉做生涯。每遇青年佳子弟。心稱快。情根
難拆解。暗贈私囊充大派。寧甘捱苦償冤債。

崔郎如花樣。杜女素心向。琵琶歡弄鬧排場。宋朝秀容塵世仰。脂粉相。青樓
人共賞。一味癡情無以上。更圖夜夜結鴛鴦。

青樓甘忍垢。閱歷幾經秋。迎新送舊在樓頭。未曾遇過一俊秀。若得覩。潘安
來相就。妾不虛生如花貌。此身情願抱衾裯。
綽約闌少派。風流多孽債。探花香國爲花迷。卿我相憐情牽繫。公子佳。青樓
爭贅婿。呢賣炒完又這賣。爽過則天做皇帝。
翩翩公子派。容貌羨清佳。尋芳問柳上樓嚟。羅綺叢中爭把袂。入花界。主儀
要美麗。假使豆皮兼齒曬。唔投意氣罵衰牌。
嫩滑個少派。一見上樓嚟。秀容白淨遂心懷。咁好青年佳子弟。意爽快。相迎
同敵體。眷戀難離牽把袂。花銀私贈倒貼埋。
少年貌又美。果係好男兒。軒昂眉宇壓羣儒。妓婦相逢慾火起。淫心癡。百計
挽留住。倘若頭蛇兼眼鼠。揮金鬪老不投機。
中意佢個樣。妓女攬亞相。才郎生得甚超常。難捨難離難拆兩。乙心向。財虜
儂唔想。子弟清奇蓋世上。令奴飢渴會斷腸。
香巢尋粉黛。醜鬼勿行來。生憎鬚鬚硬刺腮。定把閉門羹以待。私心愛。姣童
難捨外。縱有金錢志不在。非中儂意懶追陪。

人不風流

枉少年
只爲貧

歌

許薌農先生評定

窮愁怎能化。心事亂如麻。欲去問柳兼尋花。自古無錢學講話。翻想吓。家勢
非聲價。積谷防饑就咄罷。學人揮霍鬧繁華。
毛詩開首誦。關雎意味濃。送我乎淇水上宮。云誰之思美孟庸。恨衛風。新臺
情慾動。寄語青春麟早種。白頭那當戀花叢。
飽煖思淫慾。買姬藏金屋。我乏錢財勞碌碌。奚理憐香兼惜玉。困窮谷。腸愁
額又蹙。快樂拋離如土木。家裡奈因無粒粟。
十八與廿二。後生勿忘記。及時行樂最便宜。待到老來有趣味。各自思。歌舞
繁華地。若詐至誠唔染指。虛度韶光亦太癡。
鳳紀逢十六。紅鸞休孤宿。解識駒光過隙促。玉顏快唱關雎曲。魚水局。鴛侶
諧歡慾。蝶舞鶯穿娛未足。辜負烏私頒爾福。
芙蓉逢好景。未遂私心傾。合歡常望夢難成。指甲偷彈怨薄命。紫薇星。桃夭
期無定。辜負蘭房嘆寂靜。柳眉雙鎖暗傷情。

幾乎要托砵。講乜嘢快活。床頭金盡難裁奪。那有尋芳這一說。甘守拙。捱飢兼抵渴。迫從酒地花天闊。萬種癡情都忍割。

當處後生景。花月及時興。倘無歡樂屈生平。趁此韶華往尙淺。告諸兄。快活觀壯健。妙齡若弗尋消遣。辜負青春實可憐。

光陰驚似駛。好景實難再。韶齡虛度諳癡呆。行樂及時當謹佩。寶貴哉。佳日非長在。莫待春殘花貌改。空教自怨悔遲來。

繁華當此夕。春光宜賞識。務要遍尋好艷色。佳人才子相紉繹。須即即。快活無價值。到老幾能同相敵。長嘆惜兮長嘆惜。

阿嬌藏金屋。洞房開花燭。雙雙共枕同床宿。任爾手弄鷄頭肉。當此局。都唔噲納福。情願西來單寡獨。負了青春一十六。

花容趁此美。合歡莫失機。早速君子樂齊眉。獨處蘭房終誤已。解語知。長春虛度易。素心頭姐諧連理。辜負標梅恨遲。

丟落繁華景。心頭總不稱。春光辜負氣難平。孰願孤眠捱夜永。孔方兄。與我無緣併。快活場中意莫逞。逼于無奈學至誠。

快活因窮罷。無錢有得沙。有誰唔愛鬧繁華。想起孔方即是假。心如麻。佳人懶睇吓。穀埠陳塘雖樂也。囊空講乜戀奇花。

江湖任瀟灑。遊子遍探花。世人多少鬧繁華。獨我無錢譽講話。莫望掛。屈了一生罷。怎能生得富貴家。等我亦來耍翻吓。

破瓜該時候。樂事莫輕拋。青春一往總難留。這段機緣卿悟否。雲雨交。妙齡最精巧。如弗早尋快活鬧。老來滋味少甜頭。

有汝咁蠢才。父有百萬財。正當快活夫妻愛。唔啾唔啾乜由來。思托腮。見面就行開。一對鴛鴦波東海。屈佢青春果惜哉。

作客羈北美。行樂勿拋棄。花旗女子極標緻。及早當嘗白種味。肯投機。與他同夢寐。若負青春佳景地。有錢歸國再難期。

花街紅粉美。裝整又標緻。青樓名妓屬情怡。誰弗貪歡和樂喜。獨我悲。因窮處此地。快活一層都懶理。無錢難學富家兒。

二八紅粉女。花園復遇佢。一心諧老與唱隨。共姐細談衷曲語。急要須。結成鸞鳳侶。才子嬌娘難際遇。及時行樂莫躊躇。

韶華最易度。作樂要知機。有錢難買青春時。若屈妙齡歲弗與。雖仙姬。尙且思凡味。小生願姐諧連理。無負今生快活期。

快樂誰不好。拮据沒奈何。最愛尋花讌且歌。筵前履舄相交錯。嘆得過。獨恨囊無貨。若是橫財來就我。叫齊紫洞夜遊河。

快活誰唔想。皆因少一樣。金錢專制願未償。褲袋無銀要自量。真心傷。花街現難賞。倘若青蚨拿手上。定同闊老逞豪強。

人生和夢幻。快活廿年間。俚紅倚翠幾風繁。可惜青青去不返。年未晚。誰不戀嬌顏。蝴蝶尙愛花燦爛。縱爲情死也當閒。

室如懸磬像。提起心就傷。那堪與世角排場。升斗尙虞難瞻養。女雖靚。牛郎無志賞。必俟庫房豐足樣。張購金屋鬧蘇娘。

見色心唔動。緣因利不通。民生最苦係困窮。幾好花容都懶弄。囊橐空。胸懷愁萬種。雲雨巫山難入夢。床頭金盡屈英雄。

半生如草木。個個好色慾。香國繁華最觸目。阿嬌每想藏金屋。財命曲。窘窮如范叔。花界從無敢駐足。阮郎羞澀辜艷福。

勸妓從良歌

關植之先生評定

我亦嫖唔少。忠告賣淫嬌。急宜設策別娼寮。以早跟人爲最妙。非講笑。憐卿智尙小。若顧前歡忘後惜。老來誰憫汝瀟條。

置身落河中。究竟係殘花。勿當楚館作繁華。自古賣淫名不雅。娼婦呀。及早回頭罷。莫在青樓來久假。須知琴瑟勝琵琶。

賣淫最失禮。回頭可趕快。當娼確實賤如泥。獨怕老來蕩落街。早變計。及時跟夫婿。即使回家做二奶。勝過皮肉作生涯。

竊將心腹語。向卿靜講句。跟余上岸意何如。倘不嫌疑事即遂。兩登對。歸鄉諧魚水。勝過身留龜鶴處。半毫逆緊打鬘纒。

誠卿尋好婿。上岸早爲計。若貪皮肉作生涯。年老有誰還眼睇。講到底。當娼誠賤體。唔信賣歡嚴禁例。時常拘寨弗安懷。

秦樓諸粉黛。須急覓郎配。慎毋久戀住章臺。不納諫言終大碍。想唔開。賣淫貪自在。花容一減無人睬。恁陣蕭條曷勝哀。

賣淫傷風俗。回頭要即日。可惜花魁女如玉。早別青樓免受辱。速速速。跟老還鄉族。自今莫唱琵琶曲。琴瑟和鳴方是福。

何解爲娼婦。作賤美嬌姿。得毋造化太糊塗。或汝昔年做差事。前頭錯。後頭歸正路。速跟才郎望生子。兒孫繞膝慶螽斯。

業娼終身辱。回頭方是福。嗟爾校書當歸宿。佳偶早圖免飄逐。速速速。何須去問卜。孽海浮沉羞骨肉。配夫也望桂蘭馥。

共和人道重。娼寮已盡封。阿姑毋復隱花叢。須即選郎伉儷共。賣淫風。原實傷殘種。侑酒琵琶卿戒弄。勉調琴瑟洞房中。

阿姑休觀望。火急別珠江。早憑巨眼覓才郎。花貌老時譽太講。髻禿光。濯濯山牛狀。恁陣欲尋夫倚傍。恐無男想汝同床。

爲娼最賤體。上岸速更佳。勉嬌跟老莫忘懷。淡飯清茶唔失禮。講極細。都添有夫婿。眼見金門常搜索。住理唔怕佢蠻嚟。

要把前非改。當娼實可哀。金償鴛母早憑媒。匹配夫君離孽海。勉乎哉。猛當何須待。倘戀青樓貽後悔。回頭是岸勿徘徊。

爲娼有咄久。問妹怎干休。何貪花月與風流。到晚迎新朝送舊。夜不收。猜枚
又鬧酒。皮肉生涯宜丟手。擇配賢郎任自由。

爲娼真折墮。怎樣咄奔波。每因失足誤前途。河下光陰憐虛度。切勿做。改邪
歸正路。雖則亡羊牢待補。如今唔駛受嗟磨。

況我當浪子。回頭也來疎。爾亦可想歸正途。少小風流防日暮。變洗婆。此時
幾折墮。上岸擇個後生哥。討番半世樂奴奴。

寄語青樓女。莫恃韶華歲。早尋才子樂唱隨。脂粉場中難久處。急要須。和諧
鸞鳳侶。若不速離謀遠慮。花容瘦損倚向誰。

跟人做二奶。勝過百客妻。賣淫原是賤生涯。勉勵諸姑除醜態。可趕快。效返
閨門禮。有頭有主窮且抵。好過當娼在花街。

莫戀烟花地。老舉要緊記。跟隨旅客襯少時。勝住青樓捱苦李。須着意。勿作
閒閒哋。等到老來尋知己。無人過問恨差遲。

青樓逢知己。歸妹要投機。無容貪戀靚男兒。急些躊躇擇定主。想貴氣。收埋
醜業市。皮肉生涯難久恃。棄河上岸勿遲遲。

諫汝琵琶妹。好佬跟翻個。回頭趁早上蓬萊。楚館繁華今安在。欲貴哉。住埋望生仔。轉瞬花殘人不愛。有誰貪折老枝梅。

困在烟花局。龜婆常刻酷。話過歸妹要醒目。出了臨卣放免辱。身價贖。隨夫返華屋。但願生男四五六。晚享福兮晚享福。

汝班娼婦呀。善言教爾化。勿將淫賣鬧繁華。若不早行離寨下。可比花。殘時人賞罷。誥誠回頭快勒馬。免至龜鶉私刑加。

娼號臭豬脾。還受龜婆氣。盍尋蝶婿訂齊眉。蠢見莫嫌言逆耳。鶴髮至。沉魚容失美。衰老頻怨增馬齒。奚如鸚鵡定初時。

寄語平康地。衆嬌要知機。青樓賣俏非時宜。春老花殘難比美。當古氣。有誰還睇汝。不如趁早佳連理。跟郎上岸莫遲疑。

秦樓花粉塞。不是終身計。假郎何苦咁濃懷。酒綠燈紅雖俏儂。要子細。風流愁老邁。不若變機投尋婿。勿將皮肉作生涯。

委身烟花裏。零落實堪悲。盍圖快婿效齊眉。綵錦纏頭語可鄙。莫自欺。也會醒覺未。及時脫籍隨知己。勿待門前車馬稀。

女大自由壓夫歌

關以華先生評定

勿話平權享。雌雄泯怨傷。慣見歐美越閑娘。頻把猫油將婿餉。溫柔鄉。荒唐
風日上。獅吼河東多睚樣。劇憐男界遇季常。
誤解平權妹。娶他婿志灰。因渠醉吸歐風來。掃却三從逾律外。面訂配。郎要
聽佢駛。生遇乾坤顛倒代。鬚眉低首侍粧台。
文明衆所尙。越禮就堪傷。世界最鄙悍姑娘。專與良人來頂頸。睜睜聲。唔肯
分毫讓。雌伏翻居雄飛上。陰陽顛倒亂綱常。
漫談西哲理。放縱閨閣姬。須防男子受羈糜。闖倒遇寬嬌倚恃。逞皮氣。家庭
無法治。任爾才能文武備。也要低首拜娥眉。
曾見西少隊。良多不願娶。問其意旨果如何。謂恐妻房苛待佢。美例推。雖云
平等類。配着荒唐閨閣侶。雌威頻逞祇歎歎。
平權雖係美。難保盡淑姬。全憑國法在咸宜。閩律不嚴遺禍易。例縱之。橫行
無所忌。稍逆輒云訴訟汝。問君到此怎支持。

勿謂開新例。巾幗脫專制。唔隨嘉耦樂無涯。若任縱橫多積弊。男下妻。祇估
諧伉儷。誰料強權勢迫婿。才郎那肯也頭低。

西例最唔好。妻常把婿告。陰權過盛氣驕豪。憎疾佢郎案捏造。稟一到。衙官
出差討。拘彼良人來問道。幾多男子吃虧號。

歐風兼美雨。忽向中原至。從今巾幗當興時。萬事專權威勢恃。隨己意。携男
遊街市。總係良人難管治。乾綱不振任嬌持。

今時不比往。華婦效西裝。言行舉止甚荒唐。婿令不從唔在講。專反抗。縱橫
四處蕩。雄弱雌強勢莫擋。好似金蓮欺大郎。

敬告諸伯妹。民國開風氣。婚姻平等效花旗。滿清專制今不比。真得意。權衡
從自己。勿任才郎娶妾侍。該回男子受奴欺。

平權因誤會。反制毒偏開。新闢德育少栽培。敬戒無違訓已昧。罰扛灰。獅吼
堪驚駭。分屬檀郎猶虐待。縱橫任性有人陪。

平等向因未。娘子受男欺。陰權發甲今當時。姊妹行理寅夜議。辛酸氣。吃過
齊申起。逐乙數郎前虐已。稟呈午案索婚離。

女流遭末路。太過專制多。自從平等這前途。由他文明同進步。婦如斯。壓倒爾男子。夫也無權竟若比。女太自由婦壓夫。

乾剛制得慘。坤順亦唔甘。平權應許比於石。豈料例縱隨變濫。漸難堪。施威復不敢。并白撇開成冷淡。爲郎困苦又懷慙。

閨條昔過慎。人權已失真。牝雞都謂勿司晨。雖無新政唔公認。究此因。一言難以盡。苟不唱隨端行品。反常滅德不堪陳。

歐美風俗厲。秃筆寫唔細。舉彼荒唐事畧提。恐令男界聞驚斃。不法妻。欺凌愚拙婿。分拆還佔家產賣。公然另擇別郎締。

誤會平權姊。妻常把婿欺。雌威妄逞日新奇。輒造房規師歐美。交婚記。書明郎順已。君子若違前所議。無難鸞鳳兩分離。

平權事一舉。紅粉懷五內。三從四德總唔隨。自己爽心過巷躡。配着佢。家庭確係衰。弗順郎言常頂嘴。妻強婿弱族風頹。

新開民國例。娘子不受制。雌威振起與雄齊。任佢施爲防亂敗。效泰西。弗守閨門禮。獅吼河東權威大。蘭房齟齬不和諧。

唱隨汝莫想。任從佢主張。家計還要共商量。衆議政權響口响。混半賬。何必
咁退讓。如此雌風豈可長。乾坤反轉亂綱常。

嬌權從此起。祖國開風氣。例行泰西效花旗。接友交朋隨於己。郎可欺。荒唐
無憚忌。主弱賓強蠻俗比。若然逆佢就拆離。

歐風薰中夏。荆室爭權搢。檀郎不敢噙到牙。即捧荷囊交佢把。任意化。金錢
唔惜吓。君子畧陳須儉話。長春記念罵冤家。

結婚學泰西。兩小可無猜。人從平等盡開懷。律若過寬縱得哉。妻恃勢。安
敬愛禮。外務家政多牽制。英雄難免拜裙釵。

越律平權例。乾綱坤揜細。奚甘日被月遮迷。婆也強兮公弱體。縱莫制。每事
爭勝婿。牝雞司晨家室敗。不守閨門效泰西。

唱隨撇不講。陰權漸開放。刁頑巾幗益荒唐。大有河東獅吼狀。震坤綱。乾天
驚落浪。四德三從無復望。咸嘆歸妹氣蓋昂。

莫咕話平等。公婆有交爭。世間楊柳水性橫。放蕩不收勢愈猛。惡潮生。天所
都腳踏。控寫離書都未肯。迫郎家產兩分掙。

密約私情歌

許炳棻先生評定

通姦防洩漏。秘言不露透。個男個女兩情投。偷結絲羅成匹偶。暗交媾。破瓜
嘗開口。再訂明天期會後。翻雲覆雨又綢繆。
自由花色動。連理樹思通。潛跟君子入簾籠。蘭語細從耳畔誦。如意公。喬木
非常種。絲羅愿托終身用。並蒂偷來莫棄儂。
竊囑契家佬。鷄啼半夜到。到來最忌將門擲。履跡要潛行莫暴。勿輕躁。嗔聲
爲喊號。妯娌恐怕疑偷盜。又愁狗吠响嘈嘈。
男才兼女貌。淫眼兩相勾。雙携玉手共登樓。閉戶垂簾遮失醜。雲雨交。果係
好時候。色慾痴纏唔愿走。偷嘗滋味越甜頭。
常講喊線筒。消息頗靈通。細言細語謔狡童。竟將淫詞來戲弄。勿疏風。最怕
牆茨諷。巫山雲雨甘同夢。訂期那處就相逢。
偷香心恹恹。步履要輕翔。來到門前靜靜聽。狗又吠時人又醒。着一驚。四壁
嘈嘈响。如今自由怕也樣。潛奔旅館合歡場。

鰥處逢孤鳳。靈犀一點通。心猿意馬語喁喁。細說鴛鴦滋味重。翠帷中。鶯燕
歡娛共。叮囑大家龐勿恐。前言必守結雌雄。

美人與君子。含笑竊囑多。素心盟誓結絲羅。解語花前怕洩露。勿相思。合歡

藍橋渡。芍藥方濃交頸臥。投桃贈李事防疏。

欲折丹桂樹。桃夭未詠詩。芸窗寂寞有心機。散步花園看百卉。遇嬌姬。忘把

敲棋止。果係笑容兼貌美。秘傳紅柬訂佳期。

公子翩翩美。奴奴寤寐記。柳腰革履步遲遲。眼角頻頻斜獻媚。笑嬉嬉。接吻

津津味。喁喁又防垣有耳。依依眷戀任郎爲。

娘許黃昏晚。花園叙會間。二人意戀到更殘。諧老訂盟眉對眼。要幾番。歡娛

無限恨。叮嚀噉囑言千萬。別離此事莫當閒。

踰牆過陋巷。暗渡到陳倉。須潛形影入閨房。詭秘行踪唔在講。胆用壯。免奴

空想望。千祈謹慎勤來往。莫教仙犬吠劉郎。

偷香離別後。幸無人識透。姑娘意合共籌謀。鸞鳳一雙聯佳偶。暗交媾。千祈

勿洩漏。切囑愛卿無失口。常將秘語記心頭。

胸旁兩凸起。素心渴又飢。踰牆鑽穴想男兒。引入綉房同枕被。細聲氣。何不
叫契姊。噴個唔從獨送汝。爽完勿令外人知。
亦滄花間會。瑤仙靜許配。春梅致語等秀才。彩鳳凝裝帳裡待。卓女愛。相如
同曖昧。君瑞竊送紅娘賄。勾引鶯鶯暗步來。
暗通言和語。鴛鴦比翼飛。顛鸞倒鳳任施爲。此際雨雲嘴對咀。真爽趣。才子
佳人遇。風流可似魚見水。陽台初會樂奚如。
與君講過晚。臨行囑一番。莫把奴言是等閒。彼此訂盟毋口反。守機關。方免
撩妾恨。秘詞洩漏難回挽。同羣嘲我見羞顏。
兩人唔知恥。來弄這淫戲。行埋靜處笑微微。細語訂期同枕被。幾心嬉。果然
係有味。最愁事洩風波起。畀人打罵喊碎皮。
與君同相會。細談兩心愛。絲羅偷結夜去來。海誓山盟無更改。得意哉。與懷
深加倍。先破瓜期有乜碍。自由婚配不需媒。
情訴花箋紙。情郎只自知。兩人情重根難離。枕繡鴛鴦情觸起。被情癡。情書
郵遞汝。憐妾愛情須切記。定情今夕莫愆期。

秘談深閨裡。勿俾外人知。臨別重訂會後期。海誓山盟須依齒。要緊記。二家
言莫廢。幸賴有緣逢君汝。遂奴心願樂齊眉。
身旅花旗地。婚姻自主持。例非父母可拆離。比翼鴛鴦連理樹。記復記。秦晉
秘定矣。他日唱隨綉閣裡。解嘲同話早知機。
靚仔奴心遂。番信寄通語。二八桃花初開蕊。但得與他同枕睡。咀合咀。儼然
牛女會。雲雨情濃如膠水。約定黃昏再復回。
自由女唔論。無媒苟合婚。細言細語耳邊聞。歡會訂期同眷戀。暗囑君。風流
事諾允。偷結絲羅盟誓准。秘藏愛意結晉秦。
兩家癡心想。想着共偷香。最愁有耳聽隔牆。外人一知嘩言响。美孟姜。送到
平淇上。漸作桑田同交頸。通姦期會勿猖揚。
與君偷結伴。儂自竊心歡。野合如斯秘密捫。風流任更無芳亂。妾靜算。獨防
胎染悶。倏忽經期數月斷。醜難遮掩腹箕圓。
幽懷寫一紙。暗傳君子知。今宵月下會佳期。妾到花前等候汝。須着意。邂逅
非容易。但願全終兼全始。包藏勿俾外人知。

惡婦難治歌

鄧以介先生評定

粉狼性憤忮。幾能駕馭之。兇頑強悍若蛟螭。理喻勢禁仍復雨。法盡施。控制
成不易。雄似漢高猶委靡。藐躬何術可羈縻。
辜負行婚禮。娶着悍頑妻。有誰能教佢和諧。吵鬧如雷轟耳底。無法掣。好言
莫勸解。惱煞舌長階之厲。于歸守望詠家齊。
頑婆唔受話。話極係吵家。家中攪轉亂如麻。麻繩綁住來鞭打。打不怕。怕佢
日夜罵。罵出口頭真弗雅。雅言譽教佢變化。
太慳真狠毒。總唔受拘束。自從娶佢歸夫屋。忤逆翁姑打親屬。眼轆轆。張腮
又努目。任他縱橫心未足。頑梗有誰掣得服。
恰似個狗慳。老虎都懼他。爛口姑娘好嘴馬。倚副牛皮唔訥打。氣象霸。狠酷
不在話。磨利鼠牙專吵罵。鱗兒忍飽謂譽化。
睇吓這形像。長舌兇狼相。乾坤反轉亂綱常。四德三從唔駛想。確心傷。朝嘈
兼晚响。性格生成醜極頂。幾能化得佢純良。

這個爛𪗇仔。教極佢唔來。時時激緊冇口開。打死復生志不改。傷心哉。兇悍
還加倍。吵鬧家庭無何奈。好言勸解醜言回。
妻頑如悍虎。醜極令人惡。時常吵鬧辱翁姑。教訓不從還震怒。果放肆。心狠
性又妬。娶着不賢這內助。真正無法可掣磨。
妻狠兼口利。怎能教化之。張張頂嘴罵男兒。獅吼河東禁不易。嘈嘈悲。驚鄰
又動里。唔受情勸唔拘理。法無可掣佢頑皮。
舌劍唇鎗利。那得不召非。閨幃巾幗鬚眉。違念翁姑和妯娌。這雌威。娘子
軍興備。滅倫怪劇乘風起。家庭教育猜誰維。
潑𪗇靡恩義。週時鬧皮氣。豺狼成性咁僥倖。總不順從和講理。頑囂姬。開聲
如雷起。處家無能掣服汝。忍教佛法生拆離。
恁做狠毒𪗇。總不入教化。橫生面肉咬低牙。誓弗遵從丈夫話。打唔怕。良言
勸亦假。忤逆翁姑猶未罷。妯娌無辜佢罵他。
太𪗇眞盟沫。玷緊皮都脫。猶如馮獲把臂掙。口又利時手又拙。爛喇啐。強詞
理所奪。該醜女人討咗也。無可說兮無可說。

頑婆醜剩種。口利似刀鋒。聲如獅吼震河東。鞭打幾場仍不恐。確放縱。唔違
是佬公。潑慳皮氣真係腫。甚過橫紋柴譽攻。
狠妻性拂戾。誰能敢話佢。常在家中打纍纍。不受良人情理處。當作虛。張張
還頂咀。四德三從無可取。會唱難望肯相隨。
妻頑制唔住。一味這皮氣。于歸怎得室家宜。潑慳強橫無拘理。冇尊卑。出言
聲起起。枕角教訓嫌吵耳。無計可止佢行爲。
太慳真醜頸。無人話得聽。家堂當作比武場。公仔饒時婆不讓。郎心傷。忽飽
佢個樣。一入庭幃朝晚响。怎能教他學純良。
明知婆醜陋。時當枕角教。開口一聲頂過頭。夜亂幾場仍未崩。乜能較。激頸
冇氣哮。日居家堂來吵鬧。打佢唔死摺唔巢。
恁個醜惡慳。狠惡唬人怕。惡聲吵耳亂如麻。道理唔據講惡話。惡婆呀。惡得
較慣也。發起惡威尋打架。惡到無人敢嚙牙。
娶着狠毒慳。無能計較他。朝嘈晚响嘴吧吧。不受人教不受話。譽掣化。皮氣
極醜也。忤逆翁姑夫亦罵。縱然打死佢唔怕。

蘭房胭脂虎。那堪賤丈夫。稍不稱意起吼獅。詈罵唔停仍演武。紅納雌。性情
悍如此。三從四德全辜負。秋官命令奈之何。

太齷醜品地。吵三又罵四。霸巷鷄母咁咋厘。半點便宜不讓汝。逞豪氣。丈夫
禁唔住。擦掌擲拳嘴又利。惹親脫骨又脫皮。

爽極娶老婆。誰知河東獅。四德三從也全無。咕話畫眉雙目努。狼狽呵。出言
氣怒怒。非關個佢唔調度。不尊拘束奈他何。

潑齷太狠毒。娶着真有福。枕角教訓努雙目。罵詈翁姑兼小叔。皮氣酷。果實
響拘束。打極唔變見羞辱。不如被他過英屬。

妻頑真響講。蠻橫孰敢抗。舌長不讓日劍鋸。骨肉怪離情義曠。令予慌。強硬
多教枉。枕頭明白唔收狀。嚴行批斥愈兇狠。

面肉橫生齷。龍邱居士怕。河東獅吼睜開牙。客至猶聞聲詬罵。季常呀。真真
無法也。飽參學禪東坡訝。牝鷄司農索之家。

醜極長毛鬼。半生多是非。三從四德豈無違。唔係打男就罵女。忍得佢。臭言
和爛語。丈夫有權妻違威。有何妙計制化渠。

娶着自由女。拓張脂虎威。蘭房不睡若何如。角枕教訓毫不懼。當作吹。還重
口嘴嘴。獅吼河東再復過。季常那有樂歡娛。
家庭靡法網。妻強性又亢。日罵翁姑夜罵郎。唔受情勸唔受講。枉教方。怕佢
頑皮狀。可比猶如鷄霸巷。從何妙術化閨房。
老婆真失雅。長舌亂交加。開口罵人就冤家。教佢不從半句話。有造化。娶着
百遣。激怒爲夫來鞭打。依然還甚虎張牙。
號名胭脂虎。長舌令人惡。朝嘈晚响莫奈何。性似豺狼心嫉妒。打幾次。依然
唔怕死。話盡千言仍發怒。隔鄰恥笑妻強夫。
祇估好容貌。心事識唔透。恣性悍妒有溫柔。或謂放縱渠醜陋。否否否。那關
失家教。理解情勸還反口。鐵漢強項亦低頭。
恁個胭脂虎。無法可制磨。朝嘈晚响令人惡。妯娌勸和唔敢阻。大丈夫。自應
當震怒。訓誨唔從要用武。奈來痛打益頑錮。
專革家庭命。不肯順爲正。河東獅吼響調亭。四德三從如泡影。若帚星。見在
閨幃景。橫掃千軍娘子淨。孰能化導佢投誠。

少婦感別歌

梁允懷先生評定

坐家千日好。一別就牢騷。年華二八口櫻桃。難割愛情從古道。咕唔到。嫁着金山佬。霎時分手魂都有。令儂腸斷不須刀。

青年無侶伴。觸景心難安。羅幃獨臥被生寒。怎得及時君快轉。暗自怨。愁懷胸積滿。默默含情難解悶。倚樓惱煞月團圓。

自君拋出外。有花都懶戴。無心整飾對粧台。每憶春幃人獨在。嗟乎哉。離愁深似海。一日不見如秋耐。登樓目斷望郎回。

君住加拿大。忘記枕上誠。近聞嫖賭四淫齊。音信杳無親又邁。想過細。將情達夫婿。及早回頭尋工藝。免奴日夜掛心懷。

鬱鬱無聊賴。伉儷各東西。深閨岑寂曷伸懷。蛾鎖春山櫻懶啓。暗悲懷。芳齡虞易逝。天涯遠隔魚書滯。倚樓愁煞草萋萋。

自君遊歐美。百事有心記。予懷渺渺嘆仳離。乞巧屆期因觸起。嫩蕊。鴛鴦分兩地。越想越思愁莫已。未知何日樂齊眉。

臨行言千萬。悲淚兩三番。未知何日幾時還。舟期擇定難留挽。暗自嘆。累奴
哭腫眼。夫妻生離誰不恨。爲郎惱病減朱顏。

靜坐深閨裡。爲郎心記記。自從分袂鎖雙眉。孤枕寒衾難獨寐。不勝悲。離情
常觸起。悞妾青春年廿幾。風流日子耐何時。

蘭房憐隻影。更來子規聲。頻頻震耳動離情。太息良人羈異境。寡伶仃。寒衾
傷漏永。夢覺登樓爰引領。陌頭愁煞柳青青。

良人覈旅館。紅顏寢不安。修書勞鴈往金門。內寫衷情恁一欸。請郎看。風流
日子短。快快來歸同枕伴。免奴翠被獨生寒。

忽覺秋風起。紅顏春自悲。悔教君子住花旗。觸景興懷難入寐。當嫩時。那堪
分兩地。屈了風流年廿幾。粉台有粉懶掃眉。

自君之出矣。相思減腰肢。柳條弄色愈淒其。繫得王子歸意未。長噫嘻。離愁
何日止。伉儷深情分兩地。懶點絳唇懶掃眉。

桃夭始開蕊。紫薇作旅去。蘭房惱悶獨家居。含笑憑誰同對話。素心碎。美人
偷洒淚。指甲托腮常掛慮。芙蓉花貌漸瘦癯。

青春爲侶伴。寂寞意難安。羅幃獨臥被生寒。惱煞鷄鳴驚輾轉。惹幽怨。懷人
遙隔遠。萬種離愁心緒亂。願郎旋歸樂團圓。

離情眞馨抵。鴛鴦各東西。蘭房寂寞不堪提。獨惜青春如水逝。生慘悽。憑誰
來開解。回憶當年同分袂。依依難捨觸儂懷。

紫薇栖異地。芙蓉對夕暉。蘭房抱恨憶淒其。指甲偷彈年廿紀。素心悲。桃唇
粧懶倚。似此花容傷彼美。柳條垂壓鎖儂眉。

夫君話出外。奴心丟不開。含情默默對粧台。拆散鴛鴦無可奈。忍割愛。征人
何處在。謹守閨中痛自悔。封候還望速歸來。

文王去未返。妲氏上山盼。傷心小玉減朱顏。破鏡暫移樂昌恨。蘇若蘭。迴文
寄稻簡。卓女有情穿望眼。相如終得錦衣還。

才郎合妹意。正是兩情癡。忽然又話往花旗。奴况青春年十幾。忍割棄。挺身
飄異地。帆罵太平洋萬里。丟儂孤枕冷淒其。

噉囑言千萬。情濃在枕間。問郎今別幾時還。堂上翁姑年將晚。須要關。記到
心頭爛。莫丟奴愁入眼。青春一去恨唔返。

重才不重貌歌

洗劍波先生評定

共。佞。赤。繩。繫。○。只。求。幹。濟。佳。○。調。和。琴。瑟。樂。眉。齊。○。腸。肚。全。無。文。墨。洗。○。幾。家。世。○。儂。惟。白。眼。睜。○。雖。則。裝。成。容。俏。儷。○。奴。奴。弗。奉。野。山。鷄。○。

謨。猷。世。所。尙。○。奚。用。面。皮。靚。○。博。古。通。今。識。見。長。○。經。術。堪。深。人。景。仰。○。伴。食。相。○。尸。位。三。公。上。○。無。學。少。年。紈。袴。樣。○。姣。兮。子。都。友。龍。陽。○。

智。謀。洵。足。尙。○。唔。在。論。皮。相。○。經。綸。優。裕。便。揄。揚。○。雖。則。生。成。質。樸。樣。○。學。識。彰。○。應。教。深。慕。仰。○。若。謂。區。區。形。式。上。○。恐。終。負。却。好。文。章。○。

經。濟。乃。爲。寶。○。唔。在。論。皮。毛。○。智。深。學。富。便。英。豪。○。何。必。專。求。外。局。好。○。文。藝。高。○。令。人。齒。頰。道。○。品。評。優。尙。爲。超。號。○。衣。冠。粉。飾。亦。徒。勞。○。

容。儀。唔。尙。好。○。須。求。有。畧。韜。○。清。秀。未。必。是。英。豪。○。要。選。多。能。爲。貴。寶。○。飽。學。騷。○。皮。相。奚。足。道。○。任。教。青。靚。驚。月。倒。○。何。如。腹。抱。經。綸。高。○。

青。靚。雖。然。好。○。無。如。品。學。高。○。出。羣。拔。萃。便。英。豪。○。首。尙。多。能。爲。貴。寶。○。唔。所。好。○。經。綸。滿。腹。抱。○。相。士。似。皮。奚。足。道。○。全。憑。智。識。畧。兼。韜。○。

總唔論好樣。若果能文章。名高山斗天下揚。胸抱濟世人敬仰。任汝靚。無學誰贊賞。腹有經綸皆讜讓。一齊羨愛錦繡腸。

個樣真係美。論文總弗知。徒然目盼似蛾眉。肚內全無點文理。咁呆癡。阿誰能選起。若有經綸滿腹裡。四方讚賞甚清奇。

潘安姿丰美。婦女擲菓戲。車過爭看渠之儀。河陽花好情難已。相標緻。奚足掛人齒。果能滿腹經綸備。勳猷蓋世遐邇知。

胸貴羅八斗。容儀弗用較。經綸滿腹自風流。遑論外觀都與陋。文學優。萬言咄嗟就。金聲玉振炙人口。東床佳客遂心頭。

奚用姿丰美。務求人勇智。文通中西更合時。外交有能頭頭是。廿世紀。強權船礮利。內閣擇賢舉總理。儉王謬膺國祚移。

文華冠四海。形寢亦堪愛。精工疑是謫他來。何必區區計丰采。超前輩。萬言倚馬待。造極登峰深仰佩。願憑紅葉作良媒。

憑文遴選士。唔論在丰姿。英賢豈盡好頭顱。祇論襟懷憑抱負。理當富。就是合格度。若謂專相個樣子。升庸終恐太糊塗。

首論個文藝。外相唔駛計。有能應許共推排。豈在生成形侷儷。講經濟。智謀
爲最大。獨惜當時世風壞。徒然話尙好形骸。
生來雖好樣。能賽潘安相。容秀莫恃係超常。胸無一墨誰嘉獎。考文章。何取
靚爲上。且論當朝諸官長。腹抱經綸推棟樑。
唔論魁梧樣。總羨好文章。形同冠玉當平常。腹滿經綸人讚賞。翰墨香。超乎
容美上。若飽羅書敬揖讓。實慕詞華非慕靚。
韜畧胸具備。接待禮頻施。唔計樣子靚容儀。若任宋朝西子美。未愛汝。全憑
文道理。腹滿愛文人嘉喜。皮相奚足鄭尙之。
尙文唔尙樣。也誰經美相。可嘉儒者道味長。七寸管城拿手上。作詩章。李杜
猶推讓。筆鎗墨炮如雷响。靚妹聞知也斷腸。
容顏何足道。全憑文藝高。資深質樸亦英豪。奚事妍媸爲貴寶。有畧韜。唔在
面目好。區區粉飾新衣帽。胸無經濟亦徒勞。
靚仔雖則好。莫如才子高。有貌無能週世勞。若曉唐文和番道。志氣鬩。直同
官商撈。假手做來人贊好。恁時何必論皮毛。

形容雖係鄙。文章若吐氣。勝過淺學靚男兒。任汝生成宋潘美。少讀書。無謀
誰恭喜。三零六韜能齊備。四海名揚天下馳。
經文偉武尙。懶觀芙蓉相。傳臚初唱姓名揚。縱遇山姬無心賞。絕世靚。非子
所欽仰。獨係聰明羅萬象。真見悅我此心腸。
娶妻何論樣。先擇要賢良。賢良婦道百年長。中饋忘勞人贊賞。苟貪靚。他必
恃管相。獅怒霎時河東响。問汝心傷唔心傷。
智識超流俗。令人心悅服。胸具詞華深蘊蓄。勝過粉飾好外局。雖苜蓿。經濟
多爛熟。饒是淡然個面目。到底能幹也可掬。
飽學乃爲上。唔駛論青靚。禮耕義織就排場。奚必專看好外像。有書香。自是
深涵養。雖則奇形異質樣。令人仰慕樂揚揚。
儂年將待字。當求美丈夫。先傳紅葉囑媒婆。靚仔非奴心所慕。着意做。慢慢
查到妥。倘有英雄深經史。恁時唔拘像如何。
唔在論標緻。須要講品地。經文滿腹甚清奇。倘有容如宋玉美。理學稀。個誰
能睇起。胸羅八斗才具備。四方贊賞偉男兒。

誤人閨女當爲閒歌

溫文炳先生評定

婚姻憑口講。猶未結成雙。誰知湊着負心郎。不念愛情私自往。逐他方。尋踪無處訪。累妾終身奚所望。丟奴長恨守空房。

主婢同談講。瑤仙怨亦滄。回家見父信渺茫。令妾時常愁萬狀。各一方。丟儂真悽愴。願許香林都盡枉。算奴識錯薄情郎。

魚水方濃味。金龜婿外羈。曉粧愁煞畫蛾眉。燕北雁南分兩地。鴻便寄。鷓舟歸。囑彼。佢竟呼盧和喝雉。任教雛鳳苦悲離。

乍逢情莫比。歸妹遂投機。願操井臼訂齊眉。那知誘賣臨卣地。失節悲。彼兌銀去矣。豈復垂憐閨嬌汝。困身始悔恨差遲。

姻緣提得起。累我憶傷悲。始初海誓不分離。誰料赤繩難繫臂。被佢棄。忘恩兼負義。月上花前情懶理。世間薄倖盡男兒。

前世做乜事。今生賣落河。爹娘奚忍淚奴奴。迫入青樓捱盡苦。因何故。作賤良家婦。咁好花容遭暴露。傍觀試問可憐無。

蠢爾芸香婢。不講汝怎知。世間多少薄倖兒。偷結絲蘿情與義。眼睨棄。見新
舊懶理。好合無期飲恨耳。孰憐暗室嘆悽其。

一時貪彼美。順情就着意。山盟海誓訂齊眉。祇話唱隨全終始。有誰知。反骨
忘恩義。薄倖男兒真可鄙。多情反眼盡拋離。

雖是夫妻重。薄情漢子衆。須防一世被牢籠。忘舊貪新愁百種。綉帳中。苦勸
難轉動。枉屈千金身斷送。無關痛癢孰憐儂。

恁個白鼻仔。忘舊又忘新。丟奴終夜夢難成。辜負蘭房唔着緊。咁無情。任郎
棄到盡。該世孤眠天注定。百年懷抱對誰陳。

累奴成顛夢。媚作不關痛。昔年與彼結雌雄。估佢夫妻情義重。料唔中。咁樣
狠心種。丟妾形單哭眼腫。金山流戀弗思儂。

自君遊北美。廿年不我記。丟儂孤寡鎖雙眉。枉屈鴛鴦分兩地。可惡汝。唔念
諧連理。在外風流顧一已。虧奴半世守生離。

細想外洋地。累盡多嬌閨。生守孤房暗自悲。年望年來皆如是。容也易。光陰
四十幾。負却青春真有味。薄情千古係男兒。

早受茶微禮。鳳毛未美濟。夫君過國走天涯。寒暑催奴年長大。事累細。變成
老姑奶。無能豈敢重配婿。生守空房化作妮。

父母誤奴身。貪財配老人。愁坐深閨眉不展。徒嘆男女不平權。婚當慎。胡爲
妄對親。閒讀愛情詞不忍。家庭專制失文明。

奉勸諸姑姊。我言須緊記。而今男界盡澆漓。錯過佢門如敝履。身不羈。又唔
顧家理。任爾怨天兼懟地。何曾計及室中悲。

君家出路久。算來幾十秋。思量未有買歸舟。累妾孤眠生寡守。夢不休。九迴
馳左右。年望年來難聚首。弗理蘭房任遠遊。

聘禮猶未辦。夫婿客金山。年逾二八都唔還。不理閨中人憾恨。暗自嘆。條腸
想到爛。做乜郎君心恁散。誤我青春作等閒。

紅顏對白鼻。破瓜佢就棄。常遊柳巷覓新奇。不念糟糠情與義。短倖兒。丟奴
都懶埋。寄語同群諸姊妹。唔鋤專制待何時。

歐風東漸久。結婚應自由。東家處子任唔撻。枕臂挽腰口對口。兩情投。鮮花
蜂採透。縱使孽胎含荳蔻。我重交姻並肩遊。

遠客思家歌

譚鏡濂先生評定

寄居人籬下。苛刻日日加。無辜被拘禁監衙。羈留異地憐孤寡。歸去罷。免受他強霸。外國世界雖樂也。故園風景却繁華。

日久離鄉井。內顧覺心驚。賊氛匝地倍關情。勒贖擄人偏四境。萬里征。歸計奚敢定。衽席斯民期統領。勿猶黨爭禍生靈。

經年羈異地。內顧已堪悲。盜風孔熾益悽其。警電飛來日數起。引領企。故鄉無恙耳。國利不圖圖勢利。誰教遊子鎖雙眉。

遙憶爹和媽。更有妻兒掛。卿臺悵望隔烟霞。內顧衷情難丟罷。唔係假。常懷故土也。斯時寄跡人籬下。未知何日返中華。

幾回腸想爛。桑梓倍情關。天涯飛夢覲親顏。空喜一場方醒眼。個陣間。感懷何限恨。悶把離騷唱慢板。別鄉容易歸鄉難。

多年羈旅館。遊子志難安。悠悠我念故田園。兩地情牽腸欲斷。掛心肝。囊空常抱悶。徒然夢裡回鄉轉。誰知身尙在金門。

面皮打細皺。壯志未能耐。飄蓬海國若淹留。每憶故園腸轉九。我心憂。真不堪回首。此夜曲中聞折柳。何人晤想買歸舟。旅况懷鄉井。欲歸未定程。忽聞關外笛催聲。無限感情因觸景。暗自驚。此行怨薄命。地角天涯空對影。回頭故土孰忘情。只爲衣食窮。挺身來呂宋。番奴掠劫屢行兇。問天何事厭黃種。旅途中。無錢身難動。深惜華僑遭劫重。那知方許望旋東。旅居加拿大。萍踪靡定樓。故園回首隔天涯。壯志莫伸愁莫解。周身債。難逢否極泰。欲整歸鞭囊若洗。雲山渺渺感予懷。羈旅經數載。利路未宏開。江樓對月獨徘徊。內顧縈懷深似海。心自悔。故國千峰外。何年得際風雲會。貧兒變作富翁回。只因求營利。買舟到花旗。臨行噉囑早旋歸。弗覺年來四十幾。暗傷悲。夜中難入寐。寄語同胞利知己。奮志積蓄脫藩籬。西來雖久假。祖國實心掛。關山萬里隔烟霞。豆剖瓜分真係怕。同胞呀。消融黨界罷。南北共和如此雅。那堪內訌亂中華。

離情常自悵。久滯旅他鄉。故園遙隔斷。予腸。極目雲山空想像。暗悲傷。感懷
何日暢。若得黃金千萬兩。忙忙整就歸鞭揚。

早知流咄耐。誓不委身來。異域故鄉兩隔開。每念高堂年暮在。傷心哉。離情
經廿載。光陰易過人難會。天涯淪落有誰陪。

身羈異邦地。無日不皺眉。故園東望倍傷悲。可恨程途千萬里。憶慈幃。年高
六十幾。我在天涯誰奉侍。心心懸念返歸期。

身到加拿大。志圖覓利計。關山回憶隔無涯。想起高堂年已邁。子與妻。吾也
心腸繫。需用銀圓要早遞。免至困乏望雲霓。

自從離香港。伊人各一方。維桑與梓豈能忘。久別故園添苦況。羈異邦。夢魂
繞鄉黨。寄語妻兒休掛望。黃金大有就回唐。

程途隔萬里。遊子最傷悲。離鄉日久鎖雙眉。可恨天涯分兩地。午夜悲。心肝
如裂蒂。屈指算來四十幾。何如及早定歸期。

飄身羈海外。旋歸豈易哉。故鄉萬里隔蓬萊。尙有高堂妻子在。心莫灰。方針
宜變改。走盡天涯更易駭。行裝快整買舟回。

光復山河成一統歌

許薌農先生評定

入關數百載。滿漢兩分開。革命興師取回來。整頓融和親加倍。得意哉。民主無更改。孫氏讓賢推世凱。完全五族合聯盟。

元洪真猛勇。一舉就成功。仍恤皇清給厚俸。融化五族行和共。確威風。全球皆喜頌。自此脫離專制種。大漢中華永遠隆。

義師一舉起。社稷轉民基。各省高插共和旗。天與人歸兼地利。滿虜悲。革黨皆歡喜。烈士爭回漢土宇。掃除專制舊邦畿。

虜兒廷已下。還我舊邦家。蒙回滿藏屬中華。漢土完全晤在話。同胞呀。而今快樂也。政改共和隣驚訝。誰人仍敢議分瓜。

武昌初起義。黎公善佈置。家家遍插共和旗。各省響應皆勝利。好時機。收回漢土宇。五族相聯齊歡喜。堯天舜日笑揚眉。

羣雄恢漢代。力大挽天回。胡塵盡掃化飛灰。得勝旌旗齊奏凱。快心哉。萬國聯盟會。內外和氣揚四海。從今畛域莫分開。

義師旗舉起。各省民投機。四方響應滅蠻夷。誓雪揚州十日記。我軍至。勢如破竹易。滿賊聞風逃生避。五邦基土挽回時。

舉旗興漢族。挽回吾大局。猛力掃除專制毒。耀武揚威天下服。建功速。太年觀即日。洗甲饒歌奏凱曲。民國輿圖同畫幅。

提到倡革命。四圍就響應。共表同情即反正。全土奪回些不剩。滅滿清。中華民國定。大家爭回我漢鼎。一聲喝倒虜朝廷。

革命英雄起。天與兼人歸。漢滿蒙回藏合爲。共和政體三民義。非舊比。列強休藐視。從此東亞執牛耳。堂堂中國賽花旗。

推翻專制舊。艱難力多秋。運籌孫氏走全球。滿虜掃除唔駛久。眞講究。齊飲黃龍酒。漢業收回功即就。同人記念永名留。

中華民國定。漢人各心稱。共和政體表同情。錦繡朝綱歸革命。逐虜廷。掃除專制令。從此新軍奏凱詠。恢全海宇歌太平。

義師警舉動。各省響應鐘。旗揚獨立凜迎風。爭回漢鼎民權共。孫總統。讓賢第一功。無論東西苗異種。睦親南北合和同。

孫公書史熟。弗願做奴僕。結義聯盟衆手足。爲國爲民除清毒。與師督。乙戰
成大局。錦繡綱常歸漢族。萬國齊來慶喜祝。

恢漢名聲重。元洪首立功。南京總領會群雄。四處健兒齊蜂擁。向北攻。全球
多震動。勢壓滿奴游牧種。從今民主國威風。

自由鐘一撞。全國响當當。中華恢定舊家邦。大局今時不比往。清朝亡。異口
同聲爽。東門已出安民榜。尙有無智稱保皇。

當時民氣盛。滿虜盡掃清。義旗舉起就同情。到處英雄齊聽令。各心稱。烈士
壯志逞。故國振興從此定。同胞團聚樂昇年。

革軍唔怕死。捨命恢漢基。義師一起逐胡兒。建立三民大主義。壯志氣。挽回
故邦地。同胞遊街慶祝喜。各處懸掛新國旗。

滿虜專制酷。吾民受苦辱。志士無辜被殺戮。路歸國有起西蜀。亂大局。齊將
胡驅逐。取回土地交漢族。南北融和享幸福。

武漢起義後。殺氣薄神州。同芟滿虜莫豫猶。快靚陸沉升得驟。滅胡巢。楊傍
禁睡偶。異族同化黃種茂。漢旗獨豎祝千秋。

捱得困窮有日好歌
梁允懷先生評定

敬告諸梓里。莫短英雄氣。發財終須遇時期。獨係眼前條命否。運一至。轉貧
爲富易。十萬腰纏回家裏。天倫叙樂笑微微。

至怕唔禁抵。出口話閉翳。問誰富貴也帶齊。盡在安貧過塞滯。否極泰。自然
生色。艱苦備嘗無稍懈。總唔信佢有世界。

貧寒都要抵。無容學閉翳。全憑努力做生涯。雖則目前條命滯。運一際。變富
唔難找。但望天公撐眼睇。孔方阿哥即時嚟。

旅途逢窘狀。鼎力抵饑荒。時泰獲寶喜旋唐。不復飄洋嘗苦况。創華庄。迴殊
在陋巷。晚福自娛杖鄉黨。聊補當年臥雪霜。

勸君志莫低。否極自然泰。全乎人事做世界。勿謂飢寒有救解。斯時際。雖則
命塞滯。一旦氣運來相濟。恁時高枕樂無涯。

樂天以俟命。堅忍待時清。案頭枯死讀書螢。不屑權門深夜請。運苟應。一旦
逢佳境。際會風雲錐脫穎。爲霖爲雨拯生靈。

目下囊如洗。否極自然泰。總之忍耐作生涯。不過眼前當命滯。運氣濟。金錢隨處係。先苦後甜當到底。恁時一路福星嚟。

想來無可講。卅年居美邦。爲何命蹇咁悽惶。料必歸家未使望。心愴愴。神魂多飄蕩。覓食難求東走往。忽然運轉就回唐。

從來多餒凍。覓食走西東。時常荷包冇臭銅。艱苦備嘗悲萬種。運亨通。錢財勢洶湧。而今發達身價重。貧兒轉瞬變富翁。

淒涼眞譽抵。未必滯過世。專心奮志作生涯。忍守青蚨撈搾米。若運際。發達唔難找。但頭皇天撐眼睇。富比石崇安樂細。

果能咁久抵。否極自然泰。雖從難苦做生涯。莫話顛連無救解。識世界。都要放眼睇。許多榮華由晦滯。英雄何論身出低。

目下難餬口。造化睇未透。唔信這樣到白頭。祇因眼前命不偶。運氣湊。世界還在後。轉過幾年富且厚。恁時置業起洋樓。

敬告後生哥。漫厭蹇滯多。從來聖哲亦磋磨。抱定方針勤勵我。否氣過。前程非可少。發達靡涯堪稱賀。恁時佳境樂如何。

避紂更姓呂。磨難受寒歲。安貧食賤志無違。忍耐待時釣渭水。晚運輝。顯爵
從心遂。一旦喜得周文遇。六韜一震聲如雷。

人生如大夢。奚爲走西東。未逢佳景事無從。到處經營難活動。運一通。財星
來保重。抵過淒涼和飢凍。自然發跡比陶公。

昔年捱勞碌。百計難充腹。食無時候居無屋。如今發達心滿足。珠寶玉。黃白
多積蓄。從此唔愁少衣祿。眞納福兮眞納福。

世界隨中便。造化睇唔見。安知長日係冇錢。八字亨通財路現。天呀天。淒涼
心未願。須則目前條命蹇。唔信困乏年過年。

低頭嘗苦況。不必問穹蒼。運開自獲福盈堂。迥異從前囊膈狀。感滄桑。足徵
人衰旺。敗到極時終復創。弗愁羞澀阮之囊。

年少家貧早。出門立志高。力求發奮望富豪。積蓄財源扶身寶。自然到。歸來
親未老。父母團圓從古道。今安大小報劬勞。

飽嘗艱苦味。寒酸只自知。問誰憐惜一貧儒。孰料雲雷際會起。就高飛。翱翔
程萬里。脫脚羅星逢天喜。亨泰從此慰平時。

家中無立錐。貧寒總不拘。時來發達似天雷。若係運開財星遇。蹇滯去。求謀
眞順遂。否極泰來合命水。富貴榮華轉光輝。
寄語同知己。勿低英雄志。幾多冒險越雷池。雖則眼前遭晦氣。一乘機。大鵬
翼就起。否極自然發裂蒂。休將艱苦莫能移。
行過晦氣度。從今生色多。時來唔駛咁奔波。歷盡饑寒和險阻。自然富。財星
常拱護。黃白囊豐萬事妥。榮旋故國振鴻圖。
個時雖苦况。後來必生光。目前貧乏似傍徨。衰極定然將興旺。歷風霜。富貴
猶在望。晚景榮華還重爽。太公八十遇文王。
隱忍候機會。素心總不灰。炎涼難以擾懷來。砥節礪行勤苦耐。志梗概。安貧
無怨悔。一旦時清佳景會。揚眉吐氣笑顏開。
譬如逸仙翁。勞碌爲致公。廿年湖海久飄蓬。抵盡幾多寒共凍。走西東。驚醒
黃種夢。革命告成做總統。名揚中外大英雄。
自小眞勞碌。三餐共碗粥。每受飢寒難盡錄。今幸時來唔駛卜。發達速。買田
兼起屋。感謝皇天撐開目。賜我壽長享晚福。

目前雖係有。總唔駛心躁。該時貧乏受辛勞。未必終身無善報。佳景到。發達人稱我。四海揚名財主佬。家肥屋潤大富豪。

未逢佳運限。勢必用單餐。自任辛勞有日閒。既取朝來又無晚。暗自嘆。忽然天生眼。賜我黃金成幾萬。即時買舟錦衣還。

眼前多蹇滯。同人志勿低。振刷精神作生涯。莫謂飢寒無救解。運一際。否極定然泰。試看蒙正艱苦捱。霎時富貴盡來齊。

如今遭運蹇。立品最爲先。妾織君耕聽自然。以待時來償宿願。兩心堅。勤儉家門顯。默祝蒼穹垂寵眷。陶朱富貴門粧妍。

母子同幼寡。無升又無揸。貧寒餽粥入門牙。適口間中有亦罷。誰估呀。慢慢抵抵吓。守到仔年歲廿把。朝頭食肉晚食鯊。

目前雖命否。勿短英雄氣。會須堅忍莫嫌遲。一旦亨通贏厚利。苟奮志。未必貧到尾。當知剝復循環理。誰謂人無轉運時。

敬告諸兄弟。淒涼志勿低。歷過艱苦吉星嚟。雖則斯時遭蹇滯。否極泰。雲開見月麗。佳處自然機會際。一朝富貴就來齊。

改邪歸正歌

黃甘泉先生評定

從前真有解。困在四淫界。同人痛恨昔昏迷。隨波逐流忘轉樞。戒復戒。誓離
嫖賭。重革飲吹澄澈底。返端素履與賢齊。

爲非兼作歹。及時撤清細。轉由大道作生涯。立隱脚根不踏歪。創世界。發達
如雷厲。寄語青年諸子弟。若然唔信賤過坭。

打個飛天歪。前非掃却細。轉心唔學恁癡迷。工商士農習一藝。作世界。從良
變大派。立品志誠除舊弊。免至年老受慘懷。

回頭還是岸。變做一硬漢。從今超出魔障門。慎厥身脩爲根本。諸弊端。盡行
都斬斷。步履維嚴心莫轉。居恒常誦湯銘盤。

已覺揚洲夢。深知色是空。滌除孽障善而從。以禮制情嚴自重。益謙恭。鄉黨
咸稱頌。痛悔當年性懵懂。悞溺嬌奢淫佚中。

撤清陰險路。行爲唔亂做。禮耕義織作良圖。不似前時吹與賭。淑慎思。整身
隨矩矱。誰復敢笑爲浪子。從今自立大規模。

誤入迷魂路。少年識未破。從今猛醜辨歧途。力贖前愆爲善士。昔日錯。該回將功補。小人行險添愁苦。大道由來安樂多。

一錯全盤亂。染齊四大端。轉遵王道黜偏門。煙酒並戒辭妓院。確能幹。善後爲根本。浪子回頭金不換。該回唔駛進貢船。

從前見識短。悞染四弊端。而今唔去業偏門。重革飲吹兼妓館。噲打算。田園贖返半。浪子回頭金不換。何愁日後捱饑寒。

洗心與滌面。回頭猛着鞭。孳孳遷善力向前。撇却歧途深警醒。戰戰兢。不惑奸讒佞。從此志趨無幻境。周規折矩是準繩。

往日蒙迷霧。交遊黑暗多。轉向規矩作程途。所有不良唔關事。恁時錯。該回將功補。無倚無偏行義路。痛革前非善後圖。

知錯猶未晚。迷途跳出關。而今省悟少年頑。惡習洗除勿再犯。勤儉慳。父母喜無限。不計從前揮霍散。回頭浪子積金銀。

從前真壞竇。身被四淫罩。而今猛省急回頭。戒賭戒嫖還戒酒。細想透。爲人要顧後。克儉克勤學耕耦。興家創業築高樓。

身被四淫味。家業化成灰。迷途始覺轉頭回。大路隨行無阻碍。心想開。痛把
前非悔。此後從良變好仔。創翻世界望將來。
誤染嫖兼賭。忽然悔知錯。洗心再不往私途。振刷精神當力努。大丈夫。豈容
志氣挫。從今跳出迷魂路。該回專做善工夫。
忽然變好仔。嫖賭盡丟開。回思壞品有誰陪。痛把金銀填慾海。戒之哉。離了
彈唱妹。識破青樓諸粉黛。野花難勝並頭梅。
從良心肯轉。誠爲大好漢。倏然立品業商門。猛醒迷途今斬斷。顧根本。回頭
金不換。却絕淫癮兼賭館。創翻世界置田園。
昔年業偏項。家財化清光。悔心猛省志軒昂。謝絕狐群兼狗黨。轉過方。奮圖
世界創。品地今時不比往。置田立宅起樓房。
從前眞懵懂。沉淪孽海中。而今識破度無窮。即刻芟除淫禍種。快如風。跳出
迷魂洞。浪子回頭還大用。轉身仍不負英雄。
識破風流陣。悔過以更新。遠離孽海擇芳鄰。砥礪廉隅嚴自謹。斷情根。省身
時加勉。憶昔迷津誠可愍。幸返廬山面目眞。

散到收尾賤。想起心頭顛。室人交謫濫費錢。畢竟行爲要顧面。該張變。樓房
唔當典。從此品如圭璧選。家庭兒女謝皇天。
四淫雖沾染。全憑心轉變。革除劣跡勿推延。立品安然人欽羨。步占先。悔過
而遷善。展作鴻圖聲赫顯。置樓創業買良田。
脫離殘花徑。唔賭亦唔勝。遵循規矩及信誠。立品經營志着定。步步升。爲商
持大柄。回頭樂在其中景。發奮成名富且榮。
篤志學孔孟。賣刀買牛耕。唔同盜跖咁橫行。歹事不爲氣骨硬。品已更。猛醒
何須等。賊子從良算萬幸。恰如一死轉還生。
放開個度量。行歪踏翻張。唔做鬼域做賢良。賊子變成君子樣。轉經商。勿致
人傍讓。把實心腸莫外想。大振鴻圖是久長。
唔去爲偷盜。從良乃是高。芟除賊性學賢豪。賣刀買牛行直道。細想到。雙親
年已老。不若回頭趁及早。報番父母大劬勞。
喚醒世人夢。莫困幻術中。回頭便是好英雄。痛懲前非要自勇。想到通。品行
最鄭重。漫謂習慣難更動。試看太甲遷于桐。

煙屎鬼歌

梁允懷先生評定

唉。吔。真。有。用。家。夫。食。舊。公。耗。財。未。論。且。傷。容。貌。醜。猶。如。尸。出。塚。閨。房。中。難。與
同。甘。夢。倏。時。癡。海。潮。翻。湧。汗。滴。涕。流。嚇。煞。儂。
若。輩。真。懜。懜。不。窮。學。練。窮。局。成。個。斗。是。空。空。猶。恐。未。曾。够。度。用。把。火。攻。担。到
肩。骨。聳。這。樣。安。能。晤。癡。重。勸。君。猛。省。反。爲。雄。
聞。佢。抖。啖。氣。一。條。雅。片。味。形。容。枯。槁。得。層。皮。常。聳。兩。肩。高。過。耳。癡。又。起。涕。出
兼。流。鼻。獨。伴。鎗。燈。爲。知。己。不。顧。父。母。與。妻。兒。
床。頭。陰。陽。燈。五。厘。常。爭。戰。手。拿。竹。筒。身。擺。橫。面。貌。變。成。似。隻。蟻。眼。懶。撐。出。門
怕。風。猛。弗。顧。子。女。饑。共。冷。閻。王。未。請。佢。先。行。
頭。毛。零。程。程。虱。齧。升。算。升。對。燈。流。淚。幾。神。情。執。竹。縮。肩。鼻。一。纏。入。此。景。唔。知
似。乜。精。日。夜。半。暗。和。半。醒。而。面。乃。腰。魁。佬。形。
芙。蓉。城。裡。客。癡。來。口。嚙。嚙。無。論。公。膠。和。公。白。總。總。唔。吹。唔。抵。得。鼓。氣。唬。担。到
肩。蹙。額。日。久。染。成。牙。盡。黑。三。造。常。在。作。命。脉。

橫床吹直竹。形如灰佬局。弄得背駝腰又曲。食久枯精無孕育。染此毒。賣田
又賣屋。偷偷搶搶玷親屬。仍累妻孥日夜哭。

面已變黃腫。腰似一枝弓。側身點着小燈籠。扛起家財過斗孔。看形容。就入
埋人塚。懈性懶情拖不動。將會闖王十殿宮。

練熟吹公白。眠落身側側。面如魁佬牙又黑。毛頰嘴烏難筆畫。口嚙嚙。荷包
呼大伯。眼閉頭垂行用策。咁樣尙云戒不得。

戀熟成枯槁。顏容似魁佬。橫床直竹吸公膏。吹到無時攷三造。鴉片佬。將近
禁絕有。不如猛省回頭早。免教世人屈英豪。

擺開迷魂局。橫床吹直竹。吹到駝背兼腰曲。鴉軍練成癮一碌。不知辱。思量
賣祖屋。貪久枯精無孕育。常累妻孥哀哀哭。

橫床半碌被。好似有人氣。日間合眼夜揚眉。口出雲霞陰風起。轟三四。猶如
亂葬地。過了癮時談尾癡。不怕南山老鐘馗。

形容似黃腫。腰如鶴背弓。橫牀直竹吹芙蓉。聚立羣二還要弄。對火攻。常困
烏雲洞。說是造非言種種。論人長短數無窮。

橫床吹直竹。逢人話納局。攤板前生種定福。一旦有時唔充足。皺面目。氣度
難接續。枯槁形容如朽木。可似陰魂出地獄。

講到煙屎鬼。我替煙精悲。一中煙毒苦皺眉。煙癮若來頻得噫。疴煙屁。還愁
瀉煙痢。日夜煙牀眠不起。皆云煙佬死多時。

洋膏流毒大。秃筆寫唔細。質原鴉糞練成坭。運入中華來發賣。有世界。個個
附如蟻。累得國窮民弱體。真正死了未曾埋。

無錢買福麗。三造不時找。累成肌瘦骨如柴。滿面烏雲真醜睇。有世界。敗過
嫖賭派。黑籍痴情忙轉樵。鄰人常罵佢偷鷄。

恁個烏鴉魁。橫牀曲曲背。形容枯槁似霜梅。三起三眠緣癮味。斗內灰。掙回
又掙回。父母傷懷妻少睬。懶情懶性有人陪。

舊公價銀重。三造將茶送。拍揸火粉味唔濃。弄得烏雲封鼻孔。黑獄中。沉沉
毛骨悚。短竹孤燈常在夢。恰如魁佬現形容。

食熟鴉片味。日夜心記記。形如魁佬得層皮。面起烏雲肩高耳。低志氣。跟人
扯衫尾。家事百盤唔料理。不顧父母及妻兒。

四端無不累。最敗煉成吹。身膚襤褸極衰頹。枯槁形容如傀儡。數畝稅。盡行斗眼去。不顧妻兒和子女。父母劬勞幾十歲。

睥佞食鴛粟。猶如飲鳩毒。鴛枕橫床吹直竹。英雄被困迷魂局。鴉片酷。背駝腰又曲。梅妻鶴子常側目。鶉衣見肘忘羞辱。

肩頭高過耳。瘦削得層皮。全無半點英雄氣。形像衰頹真可鄙。神情癡。儼然就將死。萬事到頭都懶理。經綸滿腹也拋離。

盡將良田扛。直竹打橫床。芙蓉城裏燒家當。吹得眼深肩做做。面闔王。身如臘鴨樣。懶性懶情成散蕩。玷辱妻兒共高堂。

舊公眞好味。擅吸丹田氣。頭如魁佬面如坭。腰曲背駝肩聳起。癯已至。唔知天共地。眼淚流來忍不住。全身軟疔似黃琪。

三造就有抄。朝廷禁絕細。同人尙有被昏迷。誰知無食眼流涕。癯譽抵。醋入雲魔寨。況今城市罕買賣。禁令頒行死要戒。

公膏香撲鼻。吃口壯神氣。練成大癮面烏皮。食得多來肩聳起。被魔痴。鴉毒深攻裏。每罐價銀沽卅幾。勸君早戒勿遲疑。

賣瘋女歌

黃商瑚先生評定

寄語後生哥。勿貪便宜貨。路無好蛤語云何。意外風流終折墮。捉亞初。裝成這嫗娜。若然共你來家伙。定扒船仔去遊河。

掉艇過花地。扮靚接生意。殺人祖宗兩迷離。風度嫣然價值美。訝天姬。三代眞唔似。引入無遮大會裡。把爾江山反轉移。

曉起雲鬢整。你個累人精。手携籃仔入羊城。雙門轉過流水井。叫一聲。嫗娜書房境。引動少爺風月性。詐佻唔肯倍神情。

道傍無甘李。買貨須緊記。靚裝妹仔艷蛾眉。欲把大痲來贈汝。稍迷癡。上釣吞香餌。得到狀元忘了鼻。脚攀指曲悔偏遲。

麻毒胭脂虎。經營陸續多。媚態層出甚於狐。狡立在途和在戶。鳳眼顧。注意尋羊牯。釣得沉龍忙脫褲。陰將毒氣殺愚夫。

二八青春妹。鷄頭肉凸開。令人見了意徘徊。誰料大痲連幾代。醜心哉。專門搵客仔。若入牢籠眞係害。紅雲滿面悔難回。

道傍無甘李。買客須關意。桑間密約引男兒。不愛金錢愛情義。勿心嬉。一入牢籠裏。慘累終身猶未已。毒遺萬代子孫悲。

裝成紅粉樣。居然美孟姜。往來路上日爲常。演出風流人共想。窈窕相。坭佛亦心癢。若然貪餌將釣上。祖宗唔望佢燒香。

祇估嫩蛤仔。那知蘊毒胎。假裝問路作淫媒。誤染教人預蓆袋。傷心哉。紅雲浮面外。斷絕六親難追悔。風流忘貪怨誰來。

俏日傳情弄。逢人嬌語通。誰知彼妹係秋紅。設計害人千萬種。道途中。擺開迷魂洞。若被所迷還不懂。定然甲發狀元公。

歸妹真窈窕。裝整份外嬌。手持籃仔路逍遙。引動少年上佢釣。雲雨了。一場誇絕妙。得中狀元榜揭曉。六親割斷住葵寮。

爛貨真無用。發售果陰功。喪良手段效秋紅。眼去眉來情種種。偏僻中。誘人雲雨共。子弟固然心火湧。父兄猶恐入牢籠。

菊婢來將晚。嬌妍比牡丹。紅雲一朵捧朱顏。誤作桃花當燦爛。素心關。紫薇唔思患。合歡情投無限恨。下年指甲枉偷彈。

癡姑詐新寡。尙云未破瓜。藉聞君子好才華。愿訂重婚佐讀吓。演呀花。說到流水也。弄爾神馳快上馬。人寰同出開仙槎。

日落晚將近。扮成探遠親。逢人詐佯眼傳神。感請送程來勾引。果認真。陷落迷魂陣。從此英雄都却盡。下日班排呂洞賓。

賣貨真醜態。賣清有世界。奴非賣貨作生涯。留貨唔賣終身敗。勢迫賣。賣要人求買。賣貨價錢無用啓。蓆袋賣出連草鞋。

道傍無甘李。前傳史有記。爲何見哥笑微微。必然汝係秋紅姊。講三四。神情試彼美。苦被勾魂算太死。金榜題名就出皮。

紅雲微上面。打扮赤嬌妍。路逢男子便癡纏。巧把淫詞來消遣。假媚嬋。引人如所愿。妹染癡風心不善。慎毋見色就垂涎。

路頭花姊妹。勿作好貨愛。登徒貪色拾歸來。誤了一生荷蓆袋。陰毒哉。害人攀手仔。買笑道傍須警悔。風流最怕喪身媒。

秋紅粧色美。唇淡抹胭脂。獨行見客偏遲遲。假託拜親來問汝。真潮氣。撩人慾火起。剛遇色徒受巨餌。估話好恰得便宜。

世間美人局。看來最悅目。穿着渾身好衣服。誰知體內有癩毒。欲出鬻。一言就相熟。若同交易攀手足。臭腐形骸斷親屬。阿嬌好裝整。衣服尙時興。行藏舉止極娉婷。手挽花籃穿曲徑。獨煢煢。萍踪無所定。眼角挑人虛自警。若然染指榜題名。莫咄良家婢。沽疾有誰知。裝成窈窕色迷離。秋波一轉來獻媚。稍投機。淫詞挑動爾。自古道傍無甘李。同胞切勿貪便宜。恁個癩毒妹。專擺陣門開。獨行踽踽路途來。口點胭脂眉畫彩。整飾哉。嘍人動慾海。剛遇蕩途色鬼魅。相交雲雨被佢呆。鷄鳴詐趁市。處子幾標緻。暗售廢疾有誰疑。淫夫癡迷跟住尾。笑問汝。欲會巫山雨。暫作桑田交股地。癩症傳染出細皮。吾兒去出外。莫把野花愛。癩症巾幗妙詐呆。無限少年遭佢害。緊記哉。親言膺服佩。見彼爛屍嚴對待。免罹孽海大風災。癩姑眞毒種。靚粧粉黛濃。有誰知佢內生蟲。專講淫詞來打動。識唔通。入他迷魂洞。寄語世人要慎重。勿貪殘花誤身中。

少婦思遠客歌

溫文炳先生評定

魚水恩情重。蛾眉私撫胸。金龜婚外久飄蓬。鶴唳歸音千里頌。鴛枕中。幾回驚蝶夢。服前雖係如雛鳳。只恐駒光不待儂。

夫話去求到。奴心就暗悲。至今猶未報歸期。隔斷鄉關途萬里。異地羈。儂年已廿幾。若係商農近家裏。成羣女子又男兒。

年華當二九。誰不愛風流。只奈夫君適美洲。錦繡羅幃悲獨守。春復秋。倚閨空盼久。命裏有時終須有。盍即歸家慰寂寥。

君征入未返。日夜掛心間。丟奴年嫩去金山。萬里途遙迷望眼。憶一番。憑誰伸別恨。欲織迴文難覓雁。無聊獨坐鎖愁顏。

柳色偏撩恨。郎遊久未還。重洋望斷隔關山。二八嫦娥如孤雁。偷自嘆。韶華過莫挽。怎得及時君快返。免奴終日鎖愁顏。

青春怕獨寐。君何出外羈。雖然遊歷到花旗。恨隔程途千萬里。試問汝。韶華曾有幾。縱使富貴留歐美。空教紅粉鎖雙眉。

良人羈古巴。咄久未回家。闔幃牽念亂如麻。丟妾青年生守寡。也係假。怎樣
淒涼也。寄語夫君歸策馬。免使登樓望眼花。

暗村嬌年嫩。何堪隔別君。關山迢遞阻烟雲。心裏躊躇雙淚隕。萬緒紛。韶華
私自憫。世事茫茫無定流。恐教紅粉負青春。

自君離別後。芳容畧減瘦。陌頭楊柳觸儂愁。遙憶旅人曾健否。細想透。青春
難等候。郎在天涯仍奔走。妾恐將來嘆白頭。

良人在北美。重利輕別離。令奴寂寞守香闥。屈了風流年廿二。真激氣。衾寒
難入寐。挑燈又寫家書寄。問郎曾否定歸期。

完婚因未耐。才郎出邊塞。最防年去又年來。過了青春容貌改。傷心哉。蘭房
人獨坐。遙隔高山兼闊海。登樓目斷望徘徊。

幾回腸想爛。夫婿隔關山。秋去秋來未見還。悞妾青春驚歲晚。一夜間。牽懷
無限恨。孤枕寒衾難閉眼。終宵愁煞對更殘。

良人遊萬里。誰能膜外置。況值青春廿幾時。怎捨鴛鴦分兩地。心記記。夜來
難入寐。颯颯乍聞風徹耳。遙憐夫婿受淒其。

辜負香衾冷。夫婿在金山。多年隔別未曾還。萬里重洋望穿眼。掛心間。鬱結
愁難散。太息青春過莫挽。憶君腸斷損花顏。

妾年纔廿二。風花正合時。何堪夫婿竟拋離。屈指程途數萬里。暗傷悲。想起
情難已。回憶當年同枕被。夜來夢寐尙依稀。

良人遊歐美。歸妹心常記。團圓好月待何時。孤枕羅幃難入寐。暗傷悲。鴛鴦
分兩地。惆悵天涯程萬里。離情惹起幾成癡。

青春如彩鳳。夫婿在蠻中。蛾眉細畫爲誰容。萬里鵬程心蠢動。鳥情空。鵲巢
難甘夢。怎得鳩還歸播種。鴛鴦交頸結雌雄。

美人長掛望。君子隔蠻邦。雲和斜抱恨椒房。虛度青春愁萬狀。素心愴。桃唇
口懶講。婿在花旗未歸往。天涯遙憶紫薇郎。

別恨雙眉鎖。閨中孰可訴。良人遙隔奈之何。可惜青年虛久度。爲甚麼。既眠
還起坐。儂憶才郎羈旅次。問郎旅次憶儂無。

嫩柳添離恨。紫薇隔海關。嫦娥雖好畫眉難。恨恨天涯迷望眼。風流間。想爾
偏而反。怎得團圓如今晚。免教雲雨夢巫山。

瓜期頻歷盡。柳色又添新。君何不喜故園情。妾上翠樓常引領。眼睛睛。盼斷天涯影。幾時得。佢回鄉井。免作山頭化石人。

洞房還在邇。夫婿輕別離。二八佳人心記記。腸斷天涯分兩地。信譽記。越想越有味。幾時得。佢回家裡。願郎一筆畫雙眉。

拆散鴛鴦伴。紅顏切胆肝。悔教夫婿往金門。重水重山魂望斷。刻難安。青春容易轉。覩物傷情心緒亂。何堪宵靜月團圓。

慮郎腸欲爛。憶及我郎返。郎離辜負妾紅顏。終日掛郎容懶扮。爲郎嘆。望郎穿鳳眼。郎別丟奴如孤鴈。郎遊異域幾時還。

家道爲貧窮。勸主旅遼東。順囑歸程須早動。誰知別後竟忘儂。因此中。輾轉難成夢。靜寂思維愁萬種。夫妻何日慶相逢。

一時就想起。飲食總無味。提着才郎心記記。憶昔情濃比合比。嫩蕊蕊。何堪分兩地。早日名成歸故里。團圓滿室喜揚眉。

嫩柳懷渺渺。朱顏獨照照。紫薇千里路迢迢。指甲偷彈難了了。靜蕭蕭。長春音杳杳。團圓空望心悄悄。芙蓉孤影寂寥寥。

清明無客不思家歌

黃雪如先生評定

杏雨紛紛裏。那堪旅邸羈。人人鄉夢總迷離。情繫故園身異地。心記記。有誰忘梓里。到處子規啼徹耳。一聲歸去一聲悲。

寄跡在歐美。故園孰忘記。一遇寒食更淒其。處處山墳掛白紙。暗傷悲。感情都一是。可恨程途隔萬里。怎能插翼向天飛。

川月佳節刻。誰弗念故宅。觸起離情愁默默。惆悵鄉關嗟遠隔。羈異域。皺眉兼蹙額。今日欲歸歸未得。可恨荷包呼大伯。

行山佳節刻。人間例規則。遊子個個懷故宅。可恨天涯洋遠隔。心悻悻。身居在蠻貊。搜起唔够三兩百。怎歸得兮怎歸得。

出洋欠得戔。掃墳節又屆。故園回首隔天涯。遠望鄉關誰弗繫。異域樓。愁腸誰與解。欲整歸鞭囊若洗。雲山渺渺感予懷。

瞬經二月幾。寒食節又至。離人觸起故園時。杏花村前沽酒市。豈忘記。省墳正在邇。只爲求財羈異地。有誰唔想賦歸歎。

遊子天涯遠。懷人寢弗安。有誰唔想返故園。寒食已過魂欲斷。暗自算。咕話旋鄉轉。奈爲囊空愁悶悶。舉頭惱煞月團圓。

故園遊子望。懷人隔遠方。情牽祖國孰能忘。寒食已過添苦況。羈異邦。恨未歸鄉黨。目斷雲山心緒愴。有誰唔願早回唐。

一向因滯運。頻年旅邸困。暮春猶未返羊恒。桑梓關懷饒憤悶。雨紛紛。踏青人跡混。省墓播間微我份。鐵漢想起亦銷魂。

一過禁烟刻。遊子心蕙蕙。桑梓情殷愁默默。遠望雲山常蹙額。天涯隔。欲歸歸不得。字奉敢煩親叔伯。每穴紙錢化幾百。

山水依然在。殘花滿地開。拜掃佳節易再來。懷念故園心痲痲。一個個。雖然身在外。夜夢爹娘同叙會。滿堂兒女共相陪。

故園情觸起。遊人暗自悲。更兼寒食又到期。佳節傷懷愁莫已。須臾記。鄉關榮夢裡。欲省祖墳嗟異地。一日相思十二時。

寒食咽難下。遊子心掛掛。不論工商在邇遐。九曲迴腸同一也。唔係假。雨水紛紛洒。觸景生情誰能罷。旅愁酒解醉流霞。

駐美經多載。桐花幾度開。春深頻上望鄉臺。翹首東亞惆悵耐。銷魂哉。裏星
和日在。僑處他邦無可奈。問誰唔想早歸回。
桐華秀始露。出外懷歸多。紛紛時雨濕山途。遊子酌量回本土。計節數。寒食
聿云暮。夜聽鷓啼難獨臥。有誰唔想返故廬。
驛路逢春暮。徘徊眺望多。同嗟煙雨隔吾廬。錫賣異邦聞淒楚。行旅呵。韶光
悲易度。九轉迴腸閨裏事。幾番腸斷卿如無。
提起故鄉路。行人繫念多。汝班無識金山婆。勿罵夫唔顧宗祖。寒食初。個個
愁省墓。遠立天涯眉共鎖。神馳桑梓感如何。
過了春分景。呢喃燕語聲。離人觸起夢魂縈。屈指算來寒食令。嘆長征。歸期
仍未定。禾黍應裁墳塋省。有誰弗繫故園情。
斗星纏乙度。桐花處處吐。旅人當此意如何。邊個忘情歸省墓。咕唔錯。心心
懷故土。各欲束裝同趕渡。走回折柳挿吾廬。
春深逢省墓。何人弗內顧。歸心難遂莫如何。新火乞餘懷故土。雖征夫。邊個
忘宗祖。況值春遊恁一路。有誰唔憶舊居廬。

遊子離鄉久。祖墓倩誰修。每逢寒食淚偷流。媚富不甘貧自守。困美洲。家人
奚聚首。欲買歸舟財未就。親恩妻義恨難酬。
掃墳個節刻。人皆當任責。他鄉經營雲山隔。事務大小憑叔伯。心蕙蕙。欲歸
歸未得。割愛忍思情莫白。高堂壽考仍難測。
頻年居異地。都爲利名羈。每逢三月剷清時。遊子誰晤懷故里。內顧悲。旅人
同况味。先祖山墳應掛紙。牽情孰肯緩歸期。
閒時遊子夢。多屬繫江東。況當寒食節期逢。桑梓之情更陪動。行旅翁。斷魂
應與共。青踏異邦愁緒湧。感懷故里衆心同。
遠遊身外出。轉眼逢三月。千里懷人心鬱鬱。遙望雲山腸欲絕。歸志決。縮地
恨無術。杜宇聲聲淚成血。怎得挿翅還里闕。
節屆寒食尾。一心懸兩地。時來挿柳意何之。九轉迴腸難入寐。想非非。離鄉
因覓利。但願鴻圖酌壯志。免教久別各神馳。
爲逐蠅頭利。寄身異域羈。有誰故國忍拋離。節值踏青情觸起。暗自悲。懷人
隨夢裡。回首鄉關程萬里。歸期未卜在何時。

養子方知父母恩歌

洗劍坡先生評定

鞠兒纔覺起。我躬從何至。耶孃羽翼記前時。劬勞始悉劬勞語。苦又悲。天奚
奪怙恃。寸草未酬長已矣。那堪三復蓼莪詩。

兒是親骨肉。費盡苦心育。哺乳三年常供足。二八長成書習熟。起埋屋。娶妻
同享福。好命生男四五六。恁時曉得親勞碌。

幼時尙懵懂。不曉爹娘功。及其壯也有兒童。生得五男鬻又夢。走西東。覓食
唔够用。始唔雙親够勞重。昊天罔極德無窮。

家貧徒四壁。兒女要求食。囊物空空常太息。生借無門債又逼。今與昔。不同
做仔日。始曉當年沾親力。感德靡涯歌罔極。

幸逢弄璋喜。產下一男兒。懷中携抱費心機。始覺爹娘生自己。細思之。功同
無稍異。果係劬勞功莫比。無怪風詠蓼莪詩。

鞠育兒年長。劬勞若昊天。斯時始識我爹娘。罔極無如三載襁。呱呱聲。如刺
心肝柄。曉得雙親同一樣。身當責任苦非常。

一向係懵懂。未識爹娘功。纔至自己有兒童。鞠育劬勞因感動。想到通。嚴慈因極重。此日晨昏要孝奉。簷前滴水一般同。

呱呱一聲起。就牽心肝帶。時常懷抱步難離。飽煖饑寒親料理。把大悲。平安切自起。感憶爹娘生自己。功勞同樣也無疑。

育兒如珠寶。愛恨首搔搔。聲言亞仔又亞毛。望佢長成全孝道。年漸高。娶妻趁及早。輪到生男在手抱。嘅時纔識親功勞。

爹媽功勞大。如今通曉細。從前懵懂似昏迷。我鞠我兒承古例。雖慘悽。恁時亦要抵。二老懇懇同一派。世間孰肯有關懷。

罔極同倉昊。育兒甫解到。劬勞對境觸劬勞。始悉常年親鞠我。未寸報。怙恃殛奚早。今生已矣空哀悼。友於昆季罪稍逃。

附古詩遊子吟 一首

慈母手中線。遊子身上衣。臨行密密縫。意恐遲遲歸。誰云寸草心。報得三春暉。

人老何曾轉少年歌

許薌農先生評定

敬告衆手足。早納風流福。歲月無情去太速。催得駝背兼腰曲。千金贖。難以一寸縮。待至而從心所欲。豈又能返有十六。

韶華催急板。白髮上眉斑。光陰如水轉流難。造化迫人真可恨。暗自嘆。無術能回挽。自古黃金猶易聽。惱煞青春不我還。

光陰過莫挽。髻髮滿頭斑。朱顏唔似舊時顏。鳳眼既朦朦濕眼。把鏡盼。幼容變弗返。顧影自憐殊落鴈。從今還想戴花難。

瞶眊這形樣。見誰翻嫩相。光陰宜惜一分長。日落怎能揮日上。美孟姜。倏然扶鳩杖。花色易殘春易長。姑婆難以變姑娘。

蓬臺扶鳩杖。烏能變孟姜。顏容衰弱比鴉娘。鳳髻難回新氣象。對鸞鏡。面似鷄皮樣。鶴髮滿頭靈壽長。點能翻嫩畫眉長。

標梅經久咏。杏臉不翻新。寄生白髮一頭盈。蓉鏡豈還變綠鬢。解語聽。長春催甚緊。惱煞桑榆當暮景。荷錢難買復髻齡。

一過青春景。白髮豈還青。那個皓首復髻齡。幾好朱顏都洗盡。素心驚。秋霜
含綠鬢。鏡影蒼蒼留痕影。恁時烏得舊娉婷。

紅顏留弗住。衰邁已將至。白頭誰返妙齡時。日月遊兮歲不與。話娘知。嬌姿
無足恃。對鏡自慚朝暮異。素絲雪鬢貌難移。

韶華容易長。歲暮孰憐香。花開花落誰似樣。秋深否見謝垂楊。堪惆悵。霜雪
盈頭上。追日空忙夸父杖。痛惜光陰獨感傷。

十八與廿二。過了後難期。鏡照髮白面皺皮。相讓嫦娥稱彼美。心已悲。返嫩
無他技。青春若得如前樣。及時行樂是知機。

莫咕後生女。不覺幾十歲。及其長也就衰頹。怎得變回紅粉隊。光陰去。焉能
又復遇。韶華虛度難枚舉。未聞翻嫩有個誰。

算來幾十眼。皮皺鬢亦斑。形容不似幼時顏。韶光一去奚能挽。尤可嘆。歲月
頻催趲。既已白頭徒悔恨。青春過了再逢難。

兒孫雖滿眼。秋過恨唔返。憶昔韶光逝不還。歲月如流奚可挽。在世間。長者
成萬萬。記念幼時唔駛恨。誰能白髮復紅顏。

齡庚已耄了。怎得復回幼。可惜韶光似水流。細照形容斑白首。實心憂。無法能補救。青春過了難再有。徒嘆歲月不爲留。

人生至咄久。老未得返幼。何晤越嫩鬧風流。曾見有誰百歲壽。轉幾秋。少婦身已收。年尾總唔拘多少。束裝行李買歸舟。

芙蓉貌已改。難與美人賽。長春去了了恨唔回。太息風流歲不待。素心慨。桑榆垂暮在。指甲算來數十載。焉能翻嫩比紅梅。

光陰如急板。得去不得返。催奴日日減朱顏。行樂及時唔可慢。一聲嘆。夫婿在金山。縱使腰纏歸十萬。也唔能買青春還。

奉勸諸子弟。雖籌長久計。光陰如箭甚快驟。莫咕後頭無阻滯。歲到邁。萬事總唔濟。趁此壯雄撐大派。要防勒馬至臨涯。

一去不復返。韶華最緊關。是誰白髮變紅顏。立秋多時悔之晚。毛色斑。豈同嫩半範。歲月如流難以挽。青春過了恨唔翻。

青春過莫挽。頻催兩鬢斑。那堪皓首復朱顏。風月繁華休待慢。常要關。駒光如薰眼。若負芳晨深可恨。寸陰勿作當爲閒。

菱花偷自盼。髮白上鬢斑。鴻圖未遂晚將殘。形體衰頹顏又赭。心關關。弗覺幾十眼。古道黃金容易賺。青春一去再難還。

鬢鬢班白矣。非復幼童時。歲月蹉跎增馬齒。韶華不再實堪悲。切須知。光陰過甚易。四十年前晤篤志。五旬之後恨差遲。

貌若霜梅樣。奚賽牡丹相。菊松誰信開春陽。最怕對菱難掩像。素心傷。美人休復想。指甲算來因歲長。怎能番嫩比綠楊。

韶華容易晚。忽覺兩鬢斑。青春過了再來難。瞬息已成幾十眼。對鏡盼。面皮起皺痕。縱使時常好打扮。白頭怎得變紅顏。

的確有趣味。算來近古稀。童顏變了面皺皮。細想浮生如夢耳。勿自棄。韶華不我與。返嫩莫逢仙藥醫。枉過歲月恨差遲。

每怕青春逝。良緣宜早締。花容能得幾時佳。歲月頻催顏色敗。最悽慘。辜負千金體。待到落紅纔嫁婿。綺齡玉貌不再嚟。

綠鬢誰不重。自漸白髮翁。韶光易逝恨無窮。面貌衰頹心懵懂。確龍鍾。扶杖難舉動。回憶幼時兒戲弄。除非假扮作孩童。

覽鏡慚白髮歌

馮璣伯先生評定

照吓個樣子。惱煞密生鬚。玻璃窺影面糊塗。鶴毛滿頂如霜露。顧一顧。赧顏空自苦。可恨光陰容易度。於事無濟感慨多。

瞻視菱花裏。太息老將至。霜絲掩映異平時。兩鬢皤然洵可恥。暗傷悲。韶華過甚易。壯志未耐增馬齒。蹉跎歲月愧鬚眉。

菱花偷眼睇。愧子首皓細。如何毛色雪同齊。大抵皆因年紀邁。暗自悽。囊空更越弊。顧影自憐成老派。選婿端無向我嚟。

開奩舉目眺。無復昔時嬌。銀絲鑑裏露條條。顧影自愧還自悄。照一照。令儂心淡了。丰韻雖存非窈窕。柳眉焉敢請郎描。

玻璃照一照。衰樣不堪描。雲鬢羞變雪花條。唔似從前恁靚俏。多幾秋。睇來非窈窕。自愧形容成老了。金錢難買昔時嬌。

對菱來打扮。愧儂笄已班。有錢難買青年還。虛度韶光誰不恨。轉瞬間。癡癡兼花眼。昔日妙容兼落雁。而今皓首愧無顏。

私把菱花調。乍驚兩鬢班。旋趨暮景改容顏。顧影自憐還自恨。轉瞬間。耳聾兼朦眼。恍然老鶯頻戀棧。不如早唱大刀環。

忽向粧台覩。對影髮如絲。昔時嬌艷若嫦娥。今日衰頹年近暮。憶自思。韶華嗟虛度。人生畫臺形如此。紅粉佳人更恨多。

首對菱花覩。驚愕鬢根鬚。長春催緊惱蹉跎。景逼桑榆羞辜負。老藕絲。芙蓉唔相似。指甲等來因歲暮。荷錢可買變少無。

臨粧首一舉。嚇得夢魂飛。顏容羞瞻面衰頹。怎樣變。翻紅粉女。光陰去。雲鬢如雪類。轉瞬年華幾十歲。老來最恥插花蓮。

菱花相對影。兩鬢如霜冰。皓首焉能返妙齡。愧我半生真薄命。素心驚。過了青春景。自怨自憐容懶整。從今難望貌娉婷。

粧臺撩妾恨。相照各警班。紅顏唔像像烏顏。鳳眼既朦朧濕眼。真愧靨。首向菱花嘲。形容不似前落雁。人老從來轉少難。

照吓個容像。看來變細相。皓首如霜鬢又長。惱煞星星光掩映。老至將。唔似靚仔樣。不覺年登四十上。自羞勞碌遠飄洋。

自視見粧樓。兩眉八字皺。雪般笄上爲多愁。開匣遍照前共后。誠削瘦。羞愧
頹衰貌。豈惹變成殘老藕。青春虛度不回頭。
愧向菱花睹。頭如霜雪鋪。不堪回首舊形模。觸景懷人吟歲暮。立秋多。怎還
翻少婦。何首烏湯首服補。試問毛能變黑無。
毛變難復始。鑑匣赧然異。日月如輪將近矣。老弱龍鍾無可倚。屈算指。年歲
不我與。光陰易過誰忍視。殘形對影自爲恥。
愧對玻璃映。面似鷄皮相。鬢班顏色鬚又長。風流快活難再想。暗傷悲。鶴絲
滿頭上。花色已殘年已長。怎能翻嫩比綠楊。
菱花座向睹。芙蓉老得多。美人羞睇影糊塗。香草膏搽痕愈露。艾毛梳。如把
蒿根舜。太息桑榆將近暮。金錢難買轉少無。
玉臺太碍眼。顯我鬚眉班。韶光虛度實心煩。事一無成真愧赧。百感關。撫躬
何限恨。羞向菱花嘆慢板。壯齡荒廢鶴齡難。
韶光過莫挽。子胥過昭關。可憐對影現蒼顏。愁煞班毛難合眼。嗟乙翻。悲懷
年將晚。深仇未報常撩恨。一事無成兩鬢班。

青春過莫挽。老大毛。愧班。粧前目覩損朱顏。綠鬢此時霜打扮。素心親。皓首
歲逢晚。晚節黃花誰入眼。翠幃羞想開風簾。

影裏蒼顏現。鬚眉已改變。頭毛半班惜非前。難望身壯和力健。不堪言。鷄皮
皺滿面。光陰一去如過電。人老何曾轉少年。

爲何儂易老。對影莫能告。赧然惆悵自呼號。不意皮毛變咄早。晚景遭。形容
成枯槁。滿頭如雪驚心腦。愧視殘躬觸自慍。

桑榆景在晚。突然兩鬢斑。自照羞煞貌將殘。光陰易逝無計挽。仰面嘆。秋過
如閃眼。虛度韶華真可恨。千金難買轉少還。

相對金輝上。觀來心自驚。梅花點瓣色飛揚。已屬桑榆晚景象。細參商。不似
少年樣。一縷錢紗羞鋪頂。冰華影裡感慨長。

寶匿照相貌。羞對面皮皺。雲鬟忽變雪蒙頭。恰比黃花時過後。心相透。青春
豈容候。虛度韶光難啓口。教儂越覩越添愁。

英雄志願大。可恨老得快。綠暈對照動心懷。曲局已成壽星派。生斯世。自維
駒光逝。聊向玉台着眼睇。儼然子胥出關嚟。

指日旋東歌

關以華先生評定

行裝既整定。喜遇太陽升。西來常念故園情。直向扶桑回粵境。諸世兄。錢謙
煩勿請。趁此春光還鄉井。大家暢叙老羊城。

立意回廣轉。行李一便搬。擬搭明天差拿船。但願平風埋港岸。即過船。直承
入虎門。笛角幾聲到本縣。合家歡喜共團圓。

喜遇春光暖。西離得萬貫。恭辭親友出金門。直向扶桑經日本。真喜歡。富足
還家轉。恁時到了故鄉岸。一堂聚首樂團圓。

西南北不往。獨係返這方。船期已卜定回唐。歷代古居原兩廣。羈異邦。無如
故土爽。父母妻兒常掛望。束裝行李就過江。

歐西既獲利。馬首即見機。歸安父母與妻兒。豈可區區留異地。同胞汝。束起
行裝未。而今富有陶朱比。衣錦春風莫待遲。

恭辭回粵地。趁此好天氣。腰纏十萬別花旗。直望扶桑還故里。告知已。輪船
西伯到。多蒙厚禮增行李。後會諸君自有期。

飄洋經咁耐。亦覺發起財。考定船期幾時開。整齊夾碼共銀袋。得意哉。乘風
波浪駛。不久望見香港在。故鄉從此喜歸來。

家書催緊板。即刻返唐山。同心一動夢無閒。束整行裝唔待慢。二月間。買舟
難走賴。不管他人銀多賺。早圖安慰老親顏。

旅願欣償也。浩然復思家。臨時買位返中華。豫發恭辭回粵話。同人呀。解纜
期非假。餞飲總之隨意罷。趕歸鄉井樂桑麻。

自美回鄉井。乘時實可慶。黃金積貯有數贏。別却花旗還粵境。太陽升。歸期
從此定。外國利權能執競。看吾馬首到羊到。

揮首太陽望。還家向甲方。霎時富足就回唐。順經橫濱到香港。趁春光。約友
齊同往。十萬腰纏歸鄉黨。天倫叙樂慰高堂。

回粵輪船動。鴻毛遇順風。定向扶桑一點紅。夜來兼有吉屋拱。水陸通。容易
到家中。稚子候門見擠擁。衣錦還鄉耀祖宗。

自從離兩廣。賺成幾十方。買舟期定就回唐。及早致函返香港。金山庄。棧主
落船訪。招接悅情口又爽。雖然生面認親房。

新歲齊恭喜。工商百倍利。一時喊响就船期。高掛錦帆還故里。學老氣。有錢人睇起。昔日貧儒今不比。該回唔駛走花旗。

船期紙一睇。明天開高麗。慌忙辭別衆兄弟。束裝行李歸家計。順風快。浪靜無阻滯。不覺已到雙門底。朝見父母晚見妻。

回寅泰運轉。發財不勝算。歸鞭猛着別金門。福星照臨到港岸。確心歡。故鄉離不遠。報道香幃將婢喚。烹茶肅候喜團圓。

中起萬員廠。立刻束行裝。親朋恭喜我回唐。祖餞紛承情快爽。拜別當。如期將舟放。凱歌欣唱平風浪。還鄉衣錦謁高堂。

西來爲客旅。何日賦閒居。有錢立刻轉鄉閩。外務調停顧及內。將歸去。示期忙步舉。食力番邦難久處。此番回粵莫躊躇。

回唐唔等耐。即刻永歸哉。身羈蠻地獲鴻財。趁此春光返粵海。輪船開。同胞相叙會。演說利權爭國外。直還香港上樓臺。

遊學到北美。即入卜枝利。專習英文練機器。考起優才人恭喜。真得意。買舟歸故里。高掛錦帆返廣地。向正甲乙駛船飛。

今年時運轉。腰纏十萬貫。帆高掛返故園。直向扶桑經日本。心慰安。窮根
將斬斷。荷包有錢款算款。娶個二奶樂團團。
自想離家久。經商羈美洲。歸心似箭豈能留。幸獲青蚨歌大有。速買舟。定期
先約友。知己齊來餞別酒。錦帆高掛去悠悠。
旅美數十載。離情觸感哉。喜逢泰運展鴻財。大發洋蚨意料外。益心愛。隨時
返粵海。蒙古滿洲仍不待。漸搭高麗趕頭開。
西來遊歐美。還家甚喜嬉。親朋告別餽隆儀。直望太陽回粵地。真得意。富足
樂故里。立宅買田娶妾氏。常見父母與妻兒。
船期催緊板。即日返唐山。故園風景勝夷蠻。異域淹留誠可恨。轉瞬間。駒光
易過眼。等吓花殘年將晚。金銀滿載亦當閒。
西來雖久假。無刻不思家。行裝整備返中華。買定頭艙搭差拿。同胞呀。錢謙
唔亦罷。共向扶桑歸去也。粵城谷埠賞奇花。

金山歌第二集已完

香港華新書局廣告

本局開設百年。專辦古今中西書籍。學校文房用品。教科新書。各種小說。龍舟班本。新出歌謠。通書月份號等。價廉物美。歷蒙各埠採辦諸君稱許。今更推廣。發行各種最新小說。如偵探、艷情、言情、哀情、奇情、武俠、義俠、劍俠、冒險、歷

史、益智、各種最新小說。內容豐富。印刷美術。尤為精良特色。能令閱者不忍釋卷也。批發價目。格外從廉。外埠函索書目。當即付奉。採辦諸君。幸留意焉。

局設香港荷李活道一百三十六號

中華民國十四年三月印行

金山歌二集全一冊

定價大洋七角

編著者 嶺海天笑生
 校閱者 展雲居士
 發行者 怡情閣主人
 印刷者 民生印書局
 批發處 香港華新書局
 分售處 中外各大書局

荷李活道壹百陸拾叁號

